

張說之文集

開化圖書館
Kaohua library

開化圖書館

Kaishwa library

開化圖書館

Kaithua library

開化圖書館

Kaishua library

張說之文集卷第二十

碑銘

刺史先府君碑

府君墓誌

元君石柱銘

元府君墓誌銘

張府君墓誌

處士張府君墓誌

唐贈丹州刺史先府君碑

府君諱騰字成騰范陽方城人也張祖曰揮帝軒之
胤肇勲弦木錫姓上矣詩有卿士孝友史有留侯世
家八葉至東漢司空皓公子宇北平太守始居范陽
四葉至西晉司空華公子躋散騎常侍乃僑江左昆

孫太常復歸河洛故河東有司空砮洛陽有散騎里
後司空至府君十二代不失仁義矣王父諱戈周通
道館學士考諱恪無祿早世府君斁生遺育四代單
緒家世尚儒不及伯魚之訓外祖爲理遂讀臯陶之
書以明法曆饒陽長子二尉介休主簿洪洞丞以所
願乎下事乎上以所願乎上交乎下反身與人何往
不順臺選貞白覆囚山南人謂是行有典刑矣昊天
不弔年五十二調露元年十二月乙卯捐背於縣廨
夫人長樂縣太君馮氏父威藍田丞敬脩法度踐涉
圖史願復秀孤將就成立家道不殞夫人是賴享年

七十二傾背於東都康俗第光珪說不天夙遭閔凶
又集茶蓼先生制禮不敢從滅以景龍二年七月已
酉安厝於萬安上陽附從周制也先君不祿俸不奉
親不撓杼不資身僚舊無鷄黍之接况其非類乎族
姻無魚菽之受况其人吏乎是全其高而善其獨也
過四十始閱六籍觀詩得之厚觀書得之恒觀樂得
之和觀禮得之別觀春秋得之正觀易得之元曰君
子多乎哉事斯一言而已矣每誦道記三復三寶曰
至人之心有以垂世又聞之太夫人云吾有子五十
載非其疾無一人之憂太夫人亦云吾事夫子三十

年耳無忤聲目無暴色先君之遠世也其憂戀者尊
門在歿欣聖善在堂歟我諸孤無日敢忘及王母終
養二祖封崇亦尚克家成遺訓矣若夫安親孝也宜
家義也翼子慈也軌迹隱乎含光故當代罕耀馨香
發乎潛德故明神終勞先大夫久而益榮沒而不朽
蓋此景雲二年天子嘉侍臣之匪躬念前人之蘊德
二月乙巳詔曰故官某毓德高邁藏器下僚代載儒
雅家傳清白河東佐邑長不欺之風山南履囚溢無
寃之聽徂謝永久丘墳不飾啓茲令胤貞事先朝宜
崇追遠之恩以表揚名之志可贈使持節丹州刺史

王澤漏乎泉壤國禮崇乎宗廟漢帝論士恨不見李
牧之爲人曾子思親泣無逮楚王之厚祿道存運往
痛矣餘悲緬尋前哲之所以聞無聲於四海視不見
於百代者匪頌歎桓麟蔡邕其則不遠嗚呼霜露交
積松檟滋深兄弟永懷相顧將老胡伯虎豈敢掩大
人之清陳季方何足知家君之德小子銜恤非曰能
文莫假辭於他者務傳信我也銘曰
猗嚴兮用玄妙體太和碣高志貞夫一戒其多孝于
親正于家刑十訓清厥心晦厥迹畏厥寶如其何謙
儉慈皇哉褒德永世有詞

府君墓誌

府君諱騰字成騰姓張氏其先晉人也晉分家世相
韓韓滅留侯爲漢謀主至字爲范陽太守因居其郡
及華博物亞聖爲晉司空君司空十二代孫也曾祖
諱俊河東從事大父諱弋字嵩之通道館學士考諱
恪未仕卽世先君四代早孤單門築立宗祀之不絕
如綫府君襁褓衰麻鞠育舅氏而炳太和之純休抱
遠慶之洪徹庇身禮樂發言忠信內無不誠大無不
包終日乾乾遠于悔悵靈根顛而還植祖德墜而復
振加以好學不倦聞一及三道機玄鍵罔不幽探外

王父大理丞某重世爲士君傳其憲章博施精理年
十九明法擢第解褐饒陽尉丁王母憂去職夫人少
而守義老而無子因心創巨事不忍言喪紀之數加
人一等服常調長子尉換介休主簿洪洞丞太夫人
在堂官求便近故累徙而不進也內清淨以化人外
平反以悅親不樂歸美而善隱德故下車無赫赫之
聲所去有遺愛之戀有命羗覆囚山南輜軒所歷全
濟甚衆君以律有遠經背禮著妨難十九篇書奏帝
下有司而刪定之官黨同妬異竟寢其議道之將廢
也歟命也臧倉其如命何調露元年秋奉使晉陽遇

疾輦歸藥禱無降冬十二月大漸九日乙卯棄背於
縣解春秋五十有二光珪說不天摠角在夜明年春
奉轉藁殃於河東賴夫人撫養孤藐躬如訓授男集
文雅女工組繡姻不失親官復其舊景龍元年秋封
長樂縣太君夫人故藍田丞威之女也享年七十有
二是歲十一月戊申傾背於東都倍里第於戲哀哉
靡瞻靡依何怙何恃二年七月己酉克塋我先公夫
人合祔焉從周制也初議塋小子夢度景於萬安山
南孤推東峯之下時淮南弘公相地曰是山爲華蓋
崗爲蟠龍龍者大人之德孤者王侯之禰卜夢協兆

何善如之乃定墳塋初宅茲所小子銜恤誌之幽譔係曰
欽若古訓時惟皇考翕和三光希聖二老清有世業
儉為身寶繡綸典憲思緝王道佐彼四邑人用不擾
生我曷後棄我曷早閱余髫髻曹家不造鳴鳩在桑
其子在棘母氏聖善示我顯命服天朝封邑舊國榮
未卒歲哀喪已匝域泣血思親昊天罔極孤之華蓋
土龍蟠連崗四繞帶林巒朝日吐耀遠峯攢微風夕
發過蕙蘭石室固護泉火寒衆靈幽謁奉神歡壽官
深靜永閑安

唐故涼州長史元君石柱銘

并序

公諱仁惠字某河南洛陽人也昔帝軒命子爰宅幽
都天神降祚遂荒北嶽其後日月運行雲雷經始壇
場鄴洛據天地之圖帶礪山河建王侯之國公魏昭
皇帝之十世孫中壽令濮陽王順之曾孫也大父雄
魏濮陽王改封武陵之郡宇文朝降為王昆吾伯嗣
越在濮陽之墟瑯琊王子別封武陵之郡宇文朝降
為武陵公太府卿秦州總管微子去國不替舊章薛
侯來朝於焉降等父胄隋濠豫二州刺史右衛大軍
襲封武陵公翼亮隋室弘濟王基有佐命之元勳承
異朝之世祿文武藉甚貽晏深長公受金行之正性

承冠世之隆烈幼見岐嶷夙聞聲器靈臺雲秀繩墨
之宰無施雅韻天成金石之師何力屬隋綱始紊神
棄不歆卿族衣冠日失其序獨寤寐宿求懷盤澗之
人藏器待時未射高墉之隼唐高祖龍飛天宇鶴
巖林授公右千牛錄饗閉之恩舊也高皇邑予既與
盧綰同衣世祖學徒則有嚴陵共宿久之以公事免
為雋州法曹又歷循州河源滑州靈昌二縣令克已
為政蠶貊化忠信之言直言與人仕已無喜愠之色
永徵在曆石真構難群究既翦江界蕭條帝念疲氓
疇茲俾乂乃授睦州雉山縣令乘駟而往下車作期

江通海盜革面來威然後間網鳩人峻策羈吏閑田
盡闢鰥寡委犬彘之餘絕澗無遊豪猾屏蚕漁之氣
我有禮樂達於山川鬼神物應休貞孚於鳥獸草木
朝廷異之拜朝散大夫行隆州閬中令至改授雍州
渭南令觀人設教異邑同風遷隆州司馬尋加朝散
大夫守涼州都督府長史分乘翻人康頌作化澄巴
濮無侵橘柚之園教溢河湟不飲蒲萄之酒離歌就
是為夢臨辰命躋修途榮慙厚德總章二年終於官
舍春秋七十有三夫人安定梁氏文伯之妻君子以
為知禮孟軻之母良史稱其能賢齊德茂於昭塗合

附其於幽遂有子懷貞斧藻評禮佩踐義方承家有
馥芝蘭如也歷官右司員外郎太子舍人而罹事徙
居復歸舊土履霜露於三紀無改素冠之行違桑梓
於十載還守青門之田勤孝在乎追遠豐感思乎備
物武陵公之塋域今順陵栢城之內也山園有禁奉
瞻靡及粵以聖曆二年歲次月朔別卜宅於咸陽縣
肺浮原合塋焉公孝友純深風標峻起門無離客家
有嚴君而佐郡為邦弘風邁德執法不撓去邪勿疑
仲由之政事叔向之遺直豈稱論之典有闕執期之
容將墜仰惟代姁恭承哀記郭有道之故事無媿蔡

邕趙文子之將遊永懷隋會寓詞楹石式題賢龍龔其

銘曰

大哉乾元 我族資始 有國伊魏 曰天之子

皇羲姓風 帝姬氏水 勅業垂統 鬱乎舊史

崇德象賢 允也重軌 身涵王性 潤結涎源

武公之子 平王之孫 川流長直 光氣能渾

孝栢深顙 義重荆藩 白珪比節 黃金敵言

行實剛簡 遊無諂顛 學妙神教 書能鬼笑

避彼屯運 盤桓空谷 四海有王 一旦明目

佩此芳草 遷于喬木 亦既從政 淑問克宣

秉心如水

臨事如弦

歷宰四邑

高芬屬天

元僚兩郡

汪化流泉

江河秦蜀

嘉聲在焉

三光西沒

百川東度

天道運迴

人隨代故

倏忽三紀

悲元千露

帝堊橋山

傍壻祖墓

堯斷舊域

地開新路

路即咸陽

阡惟京比

坤氣雲蓋

長崗龍抱

竈拚銅人

瑩畱石鳥

塵歇徑滅

山飛海少

篆刻揚石

亭亭華表

唐故左庶子贈幽州都督元府君墓誌銘

維開元十年正月己未庶子武陵公河南元公薨於

東京畱守之內館公諱景懷字其魏武陵王雄之曾

孫右衛大將軍胄之孫贈鄜麟州刺史仁惠之季子
昔天啓水行君臨寰海雄圖長發本枝碩茂濟美象
賢餘慶不隕公受茲介祉誕膺淑露幼有純至之節
長立公直之操學綜群藝詞壇精微夫其結言以信
導物以德清儉足以軌俗真厲足以矯邪故美暢於
中名揚於外弱冠以國子進士高第補相府典籤藩
邸擇賢妙盡時選尋以內憂去識重補相府參軍及
明兩昇儲作貞萬國以宮臣除太子通事舍人天授
中以親累除名向逾一紀後除直羅溫縣二令雖大
位未享通材必久初自太府主簿累入副卿河南掾

曹克昇亞尹握蘭右轄綱紀南宮秉茲憲簡肅彼專
席再賤儲華卒踐宮相執心好直履法斷恩觸雷霆
而除惡不避也枉絲髮而干譽不為也升降兩宮出
入三代克慎其始終厥有成君子以為難允哉其難
矣及啓手歸全遺言薄葬家無長物士伏其清年過
懸輿人傷其夫嗚呼哀哉贈都督幽州諸軍事幽州
刺史賻悼之節優於恒數明年二月歸葬於咸陽之
舊塋夫人常氏祔焉禮也夫人即逍遙公敬遠之玄
孫左常侍希仲之叔姊淑行無徵華年早世其孤彥
仲等克遵遺訓靡所寘哀說情睦外姻懷深國士既

闕西階之莫遠投東武之詞銘曰

卓彼英運 慶靈既長 貽訓夫子 體微知章

在藝斯博 於欲則少 徒文其中 莫飭其表

惟靜惟默 不激不矯 時經三代 官成兩宮

化若風偃 德如澤融 邦稱其直 朝哀其忠

禮祔周兆 墳瞻漢宮 哀哀純孝 長訴旻穹

周故通道館學士張府君墓誌

君諱戈字嵩之范陽方城人也其先張仲以孝友佐
周子孫醜周仕晉相韓至留韓侯報韓雝秦興劉滅
項為漢世家九代及于漢亂居燕四葉為晉司空混

天下司空生櫛避胡過江六世至太常而復寓于
河東之族人君即太常卿隆之曾孫徵君子犯之孫
河東從事俊之子性倜儻尚氣節能引弓六鈞命中
百步車服出入擬於封君州里頗患之君廼勵操強
學不出門者十餘年探道覩奧鬱為淵藪周武帝聞
之徵為通道館學士既入隋而面其國高尚厥志終
於山廬嘗言夷齊清者非達伯鸞曠者非中優哉游
哉吾不與也夫人某氏少而嫠居長而喪子流離世
故窮盡艱危提攜女姓託身禪宇實有高行之烈隱
居之風未遑歸葬有志不就遺恨終天降及曾孫追

申情禮景龍三年歲次己酉十月十六日克葬曾王父曾王母於河東之普救原成先志也銘曰

皇矣烈祖 才雄氣武 不值漢高 空思萬戶

一旦折節 十年學古 高步華光 飛纓書府

昔有周處 聃蛟契虎 易暴以儒 異代同矩

周命既沒 百代于隋 任於二姓 君子不為

昭昭盛德 百代之規

唐處士張府君墓誌

府君諱恪其先晉人晉有張老韓有開地漢有留侯八代孫皓為司空司空子宇為北平太守遭漢亂難

家于范陽至玄孫華復為晉司空遇難子孫南渡其
處者或寓於蒲坂周齊間有歸者因從焉君晉司空
十一代孫也曾祖徵君諱子犯祖河東郡從事諱俊
父通道館學士諱弋德音遺範詳諸家謀君孤紹單
門傍無兄弟苗而不秀未仕而卒道未融於邦國位
未揚於王庭故老之口浸遠好事之書又闕是後生
不得預聞焉哀嗣子洪洞丞隲襁褓哀麻育於舅氏
夫人隴西董氏常州長史雄之女也早年守義唯鞠
一子嚴而有儉勤而善訓成先人之平烈貽後嗣之
積善徵太夫人德則張氏幾將墜焉開耀元年十二

月二十七日終於廊城縣世婦之別業春秋七十有二先君之遠世也太夫人在堂大門在殯日月逾邁有志未從是諸孫疾焉若履淵谷以景龍三年歲次巳酉冬十月二十六日克葬王父王母於蒲坂東司空之村成先志也銘曰

綿綿王父

續我靈基

幼而殞德

人莫知之

烈烈王母

克明克類

教成鬻子

光我族嗣

中條之北

大河之東

丘陵桑梓

鬱鬱崇崇

千年啓室

百歲來同

未惟先志

欽成厥終

張說之文集卷第二十

張說之文集卷第二十一

碑

和麗妃神道碑

鄭公主神道碑

薛氏神道碑

鄭夫人神道碑

穎川夫人碑

昭容上官氏碑銘

和麗妃神道碑銘

奉敕撰

舊史云軒轅帝宮次星具黃龍之體郊媒神妃次妃成玄鳥之命非聖也莫能法天非天也莫能感聖則有相乎坤而母乎震齊乎古而合乎天跡雖秘絕猶可則而言焉麗妃趙氏天水人也麗者以華美為貴

妃者以配合為尊易云日月麗天傳稱星辰合度麗
加妃號自我為初原夫八駿勒周肇有封姓三軍霸
晉乃蕃卿族設寶符而開國曳珠履而承家果驗成
宣之後不乏文忠之慶堯門昭賤何代無人暨乎紫
氣上通瑤臺獨立楚宮選美納良袂於神明漢掖求
才進團扇於明月故坐而論教則位比三司動而具
瞻則儀刑六列者矣將軍以恩澤授職太夫人以有
禮封鄭流車躍馬豈無甲觀之親湫宅閉門不有椒
房之勢探風揆化憂國如家故聖人有以尚其德也
躬親廟館義形能盤退席以愛禮糝木以廣恩望古

艱臻之地必為常踐之域故聖人有以嘉其志也懸
象告沴經時寢族在蒙被之辰荅還輦之問生可捐
於浮假心獨係於玄貞神往上清願承恩而入道形
歸下土期去禮而薄葬慈顏同氣奚敢為言皇上閱
而許之咨嗟不已開元十四年春秋三十有四七月
十四日薨於春華殿殯於龍興觀之精屋示以出家
從道例也命河南尹監護河南令副焉喪葬務約成
遺語也二十六日定於故都之後卬山之陽孺慕承
華棲涼薄室列礎露於東路迴容衝於北山壽堂一
閉兮兀聖等人代同悲兮脩短問月帔雲衣褪以神

仙之服上房陶籛旋於造化之初此皆聖主之曲成
賢妃之本忘何必雲陽山下別赴通靈之臺未央宮
中虛立致神之帳若夫易名興考行是存帝 曰和
禮之貴也氣之和者天地生萬物聲之和者上下無
怨魂知後命感聖恩乎有詔史臣恭銘內職事出彤
管辭無華飭寫樂池之永傷寄瑤山之罔極銘曰
帝妃佐后實掌陰教八月選才千金聘貌禮獻絲繭
詩脩幹濯婦政可尊嬪夙頌效皎皎漢女為皇降靈
娥娥邦媛順道之經結以印綬華光後庭帶之弓鞬
明潤前星退迷潛運夙承嘉獎謙苦中京崎嶇上黨

金鏡間目明珠耀掌心方樂於時泰魂徃悲於化徃
紫雲衣兮霓裳送美人兮北邙曰壞宮兮青松苑去
君息兮日遠秋風急兮霜天草木黃兮野田滅香容
於空槨留畫像於甘泉春秋以麗和之二字獨褒美
於千年

鄔國長公主神道碑

臣聞堯有娥英致九族之敦序舜有霄燭動百里之
光耀大聖之後天必縱之積善之家神所慶矣豈惟
上帝之女雲漢為靈平王之孫肅雍其德連華前志
世有其人皇唐鄔國長公主者睿宗之第七女也母

曰崔母妃構累聖而成門合濟美而為室蘊乾坤之
純粹演日月之清明神媛誕靈常言所絕免懷之歲
天奪聖善不食三日哀比成人文母流胎教之慈曾
子得生知之孝由是宮闈延矚邦國遠聞及乎玉笄
輝首油駢在馭錫之美地邑以荆山求之令族嬪于
薛氏爾其居玩圖史動修禮法服其澣濯恭儉之教
興鼓其琴瑟敬讓之風被其行已也安親惠下之謂
仁敬宗合好之謂義降貴接卑之謂禮恕情周物之
謂智推心行罔不該備其理家也待膳饗餼之均和
主饋醴醕之品齊絲竹五音之微靡纂纂組九華之縟

麗經目所涉莫不精記每至三元上賀五日中參進
對精華折旋舒婉故以式贍貴里儀範通門如千花
之汎蕙風百卉之涵膏露窈窕之儀克舉行蕃之福
大來有男子四女子五朱碧生堦芝蘭滿室也習禮
明詩日漸庭闈之調銀章艾綬地連恩澤之侯目先
朝徹袞之辰迄今主成筭之日外降過制內疾餘哀
手寫金字梵經三部躬繡絲線佛像二鋪貝葉真偈
現心相相銀斬蓮花妙容呈意生於玉指孝思惟則
道遠乎哉開元繼明推恩由已進封鄖國長公主食
邑一千百戶田賦廣而彌儉禮秩尊而恭益其後君

子晨歌夫人晝哭未止為穉生意盡矣撫視遺孤將
守栢舟之誓志其剝落未從柰苑之遊朝制斷恩改
降鄭氏陵谷可移萌和之德不昧寒暑有遷松筠之
性如一均養大子麻廕二宗汾陰之室忘亡滎陽之
黨相慶既而善福靈應寢疾彌留盡國醫之伎遠方
畢至供御府之樂中使相望命之必至可不信也堂
邑山林忽焉瘁色平陽歌舞適足愁人開元十三年
二月庚午薨於河南縣之修業里春秋三十有七震
悼紫庭哀傷朱邱傾家若墜舉國同悲有詔光祿卿
孟溫禮監護喪葬京兆尹能廷休副焉窀穸之禮一

如涼國公主故事真四月恩旨陪葬於橋陵不祔不
從古之道也上念同氣之致美感閱川之來謝恨棣
華之半缺悲瑤章之先化乃命國史昭銘懿迹降恩
禮於雲露寫哀詞於金石水非湘渚還起帝子之祠
山是洛陽即封天妹之塚銘曰

帝系白雲

仙源紫氣

漲家成國

承天作貴

赫赫聖祖

日文曰武

皇皇睿宗

一變萬邦

挺生淑媛

慈和孝恭

清臚如神

娥眉無雙

卽弟立官

湯沐建封

爰及笄總

禮施環珮

鳴鳳獻祥

乘龍峯對

帝唐降女

天乙歸妹

孟溫禮既畢護喪長葬京兆尹能廷休副焉窀穸之禮一

珠玉過庭

蘋蘩正內

蛟門早聞

龍湖忽上

無地何載

無天何仰

金經書經

華絲繡像

欲報之德

昊天罔極

孰是言歸

良人未遠

銀爐斲烟

羅幕霜飛

懇願毀形

說身壞衣

不諒人只

改嬪他士

稟命日從

從人日順

息媯繩楚

懷羸霸晉

反經合權

與道同韻

燠休二室

均懽等潤

四海謚清

九族和平

萬物向榮

眾雜未成

心戀盛明

形隨落英

祖載鼎城

歸窆咸京

挽歌剔聲

鹵薄凶行

哀哀聖情

惻惻同生

橋山片石

千秋令名

延州豆盧使君萬泉縣主薛氏神道碑

或稱達性命者齊生死之域遠憂悵者一脩短之數
斯蓋無心之論耳馬足與議於情哉何則雲虹滅影
詞人於是誄謠華秀從風君子為之歎息豈不以對
仙麗之景懷變化而遺戀在韶蓋之節悼零落而偏
憤吾見盧氏之子於其伉儷有馬縣主諱宇姓薛氏
河東汾陰人大父附馬都尉奉宸將軍諱瓘尚城陽
公主考附馬都尉散騎常侍諱紹尚鎮國太平公主
其在昔也夏有車正先封周有薛侯爭長其在今也
五宗妯於帝里重葉母於王姬河水經天上積星辰

之氣霍山震地下多珠玉之休縣主秀而敏惠長而
洵淑貞義孝烈之傳吉凶賓祭之儀一聞成誦紉緼
絢組之製清毛醞差之品一見懸解至乃鶴迴清溟
蠶聚崩雲月韻政砧花穠綵樹婦人能事成臻妙焉
大聖天后鍊石補天有王母之神器分茅列土啓弄
孫之美邑封猶有禮義引而親上簡乘龍疋舉和鳳
為難絡八紘以選門奄千官以求俊夫以龍圖帝寶
析步搖之華源虎戟侯門襲京燕之雄胃人之信美
帝用嘉焉以萬歲登封元年仲春既望歸於豆盧氏
六官送行百僚供事迓以鸞輅遣以翟車環珮晃旒

六官送行百僚供事近以鸞輅遣以翟車環珮晃旒

璆然在馭黼藻未黛爛其盈門詔婚之禮於焉為盛
爾乃移其愛敬以事舅姑伸其交恭以諧公妹舉宗
洽比如鼓瑟琴每至婚媾會同少長咸集玳瑁節步
金翠耀首有婉婉之心無驕矜之色晞眄睐者若遲
日之映連漪瞻詞氣者猶光風之轉蘅蕙加以引納
懷和饋分周賑踈屬自附窮歸忘窘故蘭行彰信於
閨門而蕙風滿盈於邦國諒惟琬琰之性自美抑亦
劬勞之訓致焉中宗孝和皇帝雲迴南土龍見東京
二儀更闢九族咸叙望我兄兮公王贊陶鈞之力曰
吾甥也縣主開井邑之賦神龍元年春加實封三百

戶縣主既通籍門闌奉御又尚司殺省天子巡遊宮
觀觴樂池臺我有周親無時不從主家外幸此齊后
而聯息子婚中參與趙王而均禮或醉飽無度寒燠
未平何嘗不御藥在門王人接路當時厚澤莫之尚
也景龍四年二月以奉御出為丹延二州刺史保傳
下堂隨朱轡而同去轡駟入郡與皂蓋而齊飛辭宮
闕而歲闌戀庭闈而日遠肥泉永歎衰氣攻哀楚祝
招而不來秦醫來而不及景雲元年八月二十一日
傾逝於延州之解舍春秋二十有四美玉禡顏明珠
晦色平陽舊宇遂無望於歸寧幸懷新文空留連於

水逝有子三人西華南容東里等或亂或岐呱呱而
泣天何以罰神其思之冬十有一月五日歸葬於長
安洪瀆原窆窆營護有命加等噐服祖遣率由舊章
生之也榮葬之也禮若夫柔嘉好合善之原也肅雍
降貴謙之道也山河其德空濶廣也能罷其祥祚胤
大也揔衆美於脩嫗馳落暉於小年此所以哀中之
又哀也昔袁亡馬氏蔡筆斯奮鄭喪曹姬潘文亦作
矧茲內範事華無媿砥望夫之石以表靈立緝幼婦
之詞將傳終古銘曰

薛之重祖

胃軒國禹

相殷侯周

氏其土宇

英英白雲 鬱彼河汾 公門蕃衍 銘鼎氛氲

則仁則義 則威則動 餘慶分祉 誕靈女士

中宗之甥 鎮國之子 皎如霜雪 華如桃李

舜族爰序 堯封咸秩 萬泉開源 三百其實

守盛以儉 居沖不溢 亦既鳴鴈 宜爾家人

謙恭下下 撫納親親 傾財致客 對饁如賓

我有邸第 前臨黃道 我有池塘 却望青草

漢輦停暮 秦簫拂早 歲月易忘 歡愉難保

良人出守 將命北徂 與子偕往 飲別東都

望母腸斷 辭家淚枯 露萎勁草 霜酸衆鶻

望母腸斷 辭家淚枯 露萎勁草 霜凋敗葉
魂兮何歸 京兆之野 葬於何處 杜陵之下

巖巖雙闕 列列行楹 勒是德音 以觀來者

鄭國夫人神道碑 奉勅撰

鄭國夫人者弘農楊氏之女也開元神武皇帝惠妃
之母曾祖諱謀以禮樂習文為越州司馬祖行以折
衝學武為游擊將軍父宏以門才入仕為雍縣丞而
早卒初則天之代夫人言歸武氏曰恒安郡王生惠
妃及家令忠僕信開元十年三月終於通化里其四
月卜宅于少陵原哀子銜恤號旻仰訴怨報德而本
待託思齊於未慕皇帝悒鸞殿之內憂悵鶴池之外

慘揚淑聲而金石刻揭高行而天地感國史司文命
為鄭志若夫清明下濟嶽瀆上昇祥會德門慶育邦
媛神授孝理之性天啓聰達之心加以潤澤詩書友
玩圖傳伯宗好直預戒將亡重耳羈遊先稱必羈豈
真漢庭章奏假借仲長之才周官禮儀咨稟宣文之
學昌言嘉論有如此者螭首螭頰修眉橫波既工嘖
笑易為容止肅恭而不跼舒和不倨商周革命遇
屯有怡懌之顏桑霍儆予在貴無驕矜之色端容一
貌有如此者紘紕祭服闕朝衣纂組入神前制驚
國雕胡之餅露祭之美五齊六清三鸞七監咸一見

而洞理或不習而知和女工中饋有如此者惠妃載
設皇子在者四人驪泉多龍丹穴皆鳳克岐克嶷預
見元凱之才實覃實詳早聞膏燭之豔亦關陰德之
潛襲胎教之密傳乎又名子以義成家以禮忠者以
令德為忠信者以不欺為信傳云去食去信信而有
徵經云移孝為忠孝則不匱周宗咸履紀季獨存至
德深圖有如此者壁司徒之妻邑其合禮南城侯之
婦封其舊功况夫霄徽四德四德咸舉經綸二義二
義克從匿武枚繼趙之勲產姚承配夏之慶吹凱風
於椒掖外王母於梧宮盛德大業窮光極榮啓國而

西鄭不亦宜乎十數年間二子榮立每至四時令節
六參嘉會魚軒照門龜艾交室為壽則珠月山積宥
幣則錦綺霞飛白玉滿堂聚姻親而同有黃金作穴
散隣里而無餘君子欽其布義聖人嘉其寶儉故寢
疾則飲食天厨湯藥御府匪曰伊夕上宮絡繹於闈
庭送終則威儀傾都車騎矐目自宮祖野申使相望
於道路哀榮之盛書記罕聞 所謂小君之遺美矣
聖善之高烈者也如使後代考南史議西陵披簡牘
而嘆息臨山源而茫昧旌賁之道不其闕而然則外
孫之碑武擔之石非明淑之壘其何設焉辭成進御

孫之碑武擔之石非明淑之龍其何設焉粹成進御

帝稱曰善顧謂上扎我其書之於是灑翰黃縑縷字
青琬波橫 蹙神變豔爛於山門鶴倚鸞翔生氣寃
巡於松路禮尊事絕恩崇迹遠斯又玄德動天幽誠
還日之奇致也誰昔未覩名言莫逮係曰

代有丹德 厥氏揚兮 祖考為士 夫為王兮

聖后中葉 總萬方兮 天命未改 復歸唐兮

賢淑啓佑 繼絕工兮 宗周雖滅 神女昌兮

建號西鄭 榮舊鄉兮 魚軒翟第 威龍光兮

二子雙飛 華綬連兮 出入輪奐 庭譁煌兮

去此昭昭 即茫茫兮 何處詔葬 少陵阜兮

說文卷之二十一

貴妃慈親

王舅号

寒暑流易

山川久号

古墳坡陔

老樹朽号

壽宮靈慶

百代守号

頌石光華

千載後号

穎川夫人陳氏碑

穎川郡太夫人者諱某雷州大首領陳玄之女羅州

大首領楊曆之妻驃騎大將軍兼左驍衛魏國公思

勛之母陳氏家富兵甲世首嶠外夫人誕靈豪右淑

問幽閑六行天至不因師氏之學四德生知無待公

宮之教原夫陳本媯水楊承赤泉九真為郡良史出

乎中國五馬浮江僑人占乎南海兩州接畛二門齊

望卜妻鳴鳳擇對乘龍楊公有聘玉之祥應姬獲探
金石之慶號公弱冠昇仕鞠躬禁闥正性本乎胎教
剛腸形乎義色神龍三年六月五日北軍作難西華
失守騎入宮壺兵纏御樓公孤劍凌鋒群寇奪氣倉
卒之際安危是屬既立殊常之勲遂蒙超次之命授
銀青光祿大夫柱國弘農郡公行內侍其後改拜將
軍太夫人是加爵邑高光九仞重祿萬鍾朝廷美其
揚名州黨尊其遠聽夫人富而好儉貴而能動身却
錦繡手親紡績公每昏定晨省夫人必誠之忠孝勸
學文武嘗謂汝稱思勗當心念其義父母名之欲汝

三思而勗勵也故號公便習干戈漁獵書史致命伐
罪擒叛獠於百越寫誠誓衆破狂蠻於五溪聞子弟
如使手足請風雷若應期契聖朝荅高秩於驃騎酌
大封於號畧豈非以辭茅之懇忠成斷織之明訓臣
節立矣君恩厚矣子孝成矣母慈著矣備此四者善
孰加焉抑神道祐心而人倫興行詩曰母氏聖善又
曰宜爾子孫斯實潁川太君之有也享年若干開元
九年四月八日薨於長安之翊善里先公早世兵墳
故城古無合苑禮有從宜夫以體歸下地萬里豈殊
平子黃壤魂何不之雙棺幸同於玄室以其年十一

平子黃壤魂何不之雙棺幸同於玄室以其年十一

月十六日招魂祔葬於萬年縣龍首鄉神鹿里申孝
子不忍隔親之情也恩勅賜錢十萬絹布皆百段日
碑忠厚漢武知其母教馮勤寵貴世祖稱其母德克
軫天情頗為連類號公生盡其禮沒盡其哀嗟閱水
之日逝懼藏山之夜徒追鏤碑板遠貽圖傳莽莽空
意有足感人恹恹信言固無媿色銘曰陳公舜後揚
侯周裔去國何人南遷幾世鄙綠嶂表珠崖海際兩
族相京財雄兵銳倚歟邦媛儷茲國士友若琴瑟華
如桃李心契法度容和愠喜資敬從夫移忠訓子嘉
此令子南溟北歸于天鶴唳 前鴻飛朱宮退敵銅

柱來威國安家寵魚軒程衣子封號國五公前字母
邑潁川二君舊土感激榮慶踟躕萬古高堂夜空吊
客朝聚龍首山前前臨灞川招魂五嶺合葬三泉山
山丘墓樹樹風烟孝碑不滅慈墳永傳

昭容上官氏碑銘

齊公叙不錄

天降時雨山川出雲乃生靈媛祚我聖君精微其道
煥炳其文三光錯行昭容綱紀百揆繁會昭容條理
外圖邦政內諭元子憂在進賢思求多士忠孝心感
元焉報之吉凶感應有數丘焉禱之如彼九日羿焉
慕之如彼王良秦焉悼之漢宮選才班氏其特楚史

是則
番霜樊妹之力或穆齊公叙其明德嗟爾彤管是鑒

張說之女集卷第二十一

慕之如彼王良秦為悼之漢宮選才班氏其特楚史

110257111

111

開化圖書館

Kaithua library

張說之文集卷第二十二

墓誌

逍遙公墓誌

陸君墓誌

張府君墓誌

馮潘州墓誌

贈葛君墓誌

尹先生墓誌

呂君墓誌

徐氏子墓誌

尹舍人墓誌

崔訥妻劉氏墓誌

中書令逍遙公墓誌銘

唐故中書令逍遙公韋氏諱嗣立字延構京兆杜陵人也受渾元之正性挺生人之秀傑門為孝悌之府

世處台衡之地士林之高標宗臣之首出者也生於
秦之清水長於鄭之成臯聰明先覺博古兼今究蓬
山之百氏綜闢里之六藝文而不華實而不滯原夫
志在於易行在於禮守橐籥之冲虛播朱絃之愷悌
事有則而言有度神無方而用無體其與人也温良
善誘仁恕多容俾夫頑蔽開析復鷙擾從君子進道
小人革慮聞者願來見者忘去若膏澤之浸陽和之
感萬物不知其化矣夫覆篑登朝濫觴宰邑聖朝知
其周慎忠肅簡易脩良是以綢繆兩禁重疊千里迄
踐宰衡終厥有成允化二邑理七郡三八中書再統

兵部選兵吏各兩冬典樞密共五載光弼四主歷政
三十有餘其間累有傍及官因左退日月蝕而更明
隨和幽而不昧爾其為邦設教遵德閑邪身勤心苦
誠感物化禮讓興於私室刑罰廢於公家衡鏡高懸
文武矯首才無我失善若已有風流名教作法垂後
訐謨皇極功格天地茫茫蠢蠢既生既遂四夷來王
五靈皆至然而外崇中素迹邇心遐杳然朱戶之若
喪邈矣赤松之可接西宴驪山之谷東息龍池之野
擇道遙而建號列土宇而開社即明主封立帝之謀
表高臣之志也公考侍中為國元輔公兄承慶當代

踐宰衡終厥有成九化二邑理七郡三八中書四再統

齊名咸以令德繼和金鼎扶陽二相陳氏三君復追
美矣侍中前夫人崔氏生黃門而即世後夫人王氏
生公而偏愛公克諧以孝回心則友啓均養之德成
無間之言天下之人比之祥覽惟公德行言語文學
政事四者實摠而兼之事親養志而能爭居喪過哀
而顧禮此善中之善者也善人天之經也國之寶也
道將興廢木鐸之用有時命或推移蒼生之望桓在
春秋六十遘疾陳郡還醫洛師開元七年九月二日
亮于歸德里有詔贈兵部尚書謚曰某禮也明年某
月某日葬於某地有子季恒濟史備然在疾靡所冥

哀以某忝縉雲之舊寮清風之餘論入難名之閭域
窺妙德之形容見託銘誌庶傳精爽至於歷官次序
平居事業當見郡府遺愛之碑國史名臣之傳故不
存焉銘曰

我我仁公

抱孝含忠

文獻則足

高明有融

翻飛王佐

穆我清風

道濟明時

心樂幽地

薛衣華袞

坦然一致

逍遙啓封

帶礪傳祀

生涯共盡

振古其常

人秉三德

天歸百祥

臧孫有後

公業不亡

岐州刺史平泉男陸君墓誌

開元十三年十一月六日故岐州刺史平泉男陸公
卒于京師十四年冬十月葬于鄴西之先塋公諱伯
玉字某河南人識真之士也夫譽其克家光乎觀國
篤慈惠以宰邑弘雅量以執憲擅華妙於禮闈敷文
敏於禁掖推直方以獨坐率易簡之專誠所居而美
風振所蒞而德聲溢充於我而羨形乎外者焉若夫
孝盡愛敬之衷悌包友順之節仁協返身之恕義適
成物之和四者禮之善物歟吾友嘗從事於斯矣然
而舉禮之綱持心之柄靜則樂先生之道動則濟賢
人之業位不盈量年無登壽之才也之命也復焉可

得而言哉銘曰

陸侯泉妙

體曠心古

龍章炳文

鱗角藏武

橐籥冲用

詩書義府

移孝則忠

安親合主

乃建侯社

乃牧王畿

有嚴有翼

有長有威

汲直謝病

秦和不醫

乞言未老

啓手全歸

石鼓東臨

銅臺西望

別業宛在

舊塋增創

弱子攀車

孀妻送葬

風景飄忽

山川惆悵

令德可傳

浮生匪重

神去一息

形遺萬種

露往草陳

霜來樹拱

仁義長蕪

沒於丘隴

恒州刺史張府君墓誌

人之業位不盈量年無登壽之才也後命也後命也

君諱承休字某吳郡人也留侯興漢播美西京長沙
涉吳蔽蔓東土曾祖冲在陳為文帝師入隋為漢王
學士祖後胤授經太宗尊之以祭酒既封新野又贈
以宗伯考少師位不充量止於朱陽宰班固稱世名
忠孝魏武為積善之家昌門一系暉我諸族君受天
戩穀傳家業藝希言敦行去華崇實非法不由非禮
不動精於物理敏於政事初以南郊齋郎補充州兵
曹丁太夫人憂廬墓三年加人一等再任始州司倉
應八科舉改鄭州錄事參軍又舉賢良方正遷揚州
司錄參軍移蘇州常熟令歷政皆有能名加朝散大

夫入為司農丞實掌錢穀姦僣恩望使覆囚嶺南是
司獄訟聽折惟允迺授濟源令風行畿甸河潤洛師
加朝議大夫上柱國拜隆州司馬轉恒州長史簡而
有孚權而有中道嬰風恙去職就醫還京春秋六十
有二終於頌政里夫人成紀郡天水秦氏廬陵郡公
行師之孫嗣公遊福之女敬事君子訓成諸孤當代
之孟母也年六十二終於許州開元九年十月某日
合葬於武功之禮讓原禮也夫道大難合仕屯而不
進德高有後身沒而福流君同生八人半服銀艾祚
胤五子率為珪璋比迹於燉煌六龍南鄭千室德門

濟美信有徵乎懼陵谷或遷乃勒銘沉石銘曰

思文留侯 時惟皇祖 長沙南守 分韓東

家有道書 門傳相府 鬼我重世 通經二主

誕靈上哲 克廣斯文 造次仁義 優游典墳

孝乎事親 忠乎事君 倚邨叔父 亦足有云

馮潘州墓誌

公諱君衡字正平廣管高州人也昔畢萬苗裔邑于

馮城因以為氏其適越者則袁宏過江錄所載長樂

馮思思之後也遠居避地代為右族帶甲千人擬四

豪之公子田洞百里齊萬戶之封君祖益持節摠管

高州都督耿國公葬贈左驍衛大將軍荊州大都督
恩命分府為三州君之三子子智弒高州刺史子智
玳恩州刺史猶子子游潘州刺史公荊州之孫恩州
之子量包山海氣逸風雲陰德以濟物力行以游道
散岸從心乘化而沒斯實一方超邁全真之士也夫
人南海郡太夫人麥氏誕媿勲門作嬪傑室初執奠
妻之禮終抗梁寘之行即大將軍宿國猛公鐵杖之
曾孫女也夫人有三子一女同歸上京長子元璉左
衛中侯次子元珪左領軍衛郎將少子力士右監門
衛大將軍少養於高氏故舉家從其姓焉天德厚者

福長先否者終泰天之報應豈虛也哉大將軍所以
雲漢奮飛忠孝至感迎聖善於炎海展三牲之色養
拔友于於荒徼會四鳥之嚶鳴縉紳羨談簪紱傾慕
是知敬仲羈旅將育于齊孟軻儒裔藝成名此毋信
瑰才之特達亦餘慶之助成乎夫人享年八十有七
開元十七年五月十二日薨於西京來庭里粵以八
月二十二日安厝于長樂原之新闕閔將軍之純至
嘉先士之晦名恩詔追贈潘州刺史招魂而合葬焉
蓋殊常之禮若夫慈以遺後孝以揚親忠能合聖惠
足昭仁嗟乎馮氏之子具此四德鏤石垂文為不朽

矣銘曰

潘州違世

滅迹沉彩

詔贈本邦

光燦南海

其孤永慕

昊天不逮

夫人處順

奄背榮胤

悲離兩鄉

魂合雙襯

孝心可贈

百年匪恡

天日蒼蒼

丘隴茫茫

地名長樂

人樂無長

郭門之外

愁生白楊

贈卽將葛君墓誌

公諱威德字某葛本梁國寧陵人也因徙遷今居京

兆涇陽縣父寶未仕早世公室無陶白之資朝無金

張之援不承過庭之訓不漸鼓篋之術而能奮飛喬

木獨拔深濟富忠孝而揚已善射馭而聞天早以武
藝妙選供奉每扈遊別館侍蹕禁林何嘗不左發五
犯傍連雙兔歲久拜元城府左果毅都尉尋加上柱
國入陪內杖思馬斯才出用未展其生有涯神功二
年某月日終於東都私第殯北印之山夫人太原郡
太夫人郭氏從夫有禮以子而貴開元八年十一月
薨于京兆之修真里有子福順克家用孝開國惟忠
泣風樹之無追痛榮祿之不逮哀戚之情上感飾終
之澤下流宅宥有期祖奠將設有詔贈右驍衛郎將
開元九年二月七日合葬於長安縣龍首鄉禮也鬱

開元九年二月七日合葬於長安縣龍首鄉禮也
爵宰樹蒼蒼墓田恐佳城之見日祕銘石於重泉詞
曰都尉武達夫人禮封令德高行譽偶名雙自古迄
今仁賢同盡唯傳忠孝餘慶不泯

四門助教尹先生墓誌

先生諱守貞天水冀人蓋好學博古者也本乎官族
稱為尹氏昔有伊佚司周太史暨乃吉甫勒於宣王
格言大勲布在詩傳遠祖締魏僕射曾祖欣隋開府
大父珍唐棣州蒲臺令父文通唐通州三岡令先生
積德餘慶天錫純嘏愿而克恭情與禮合七歲誦三
雅能通書契訓詁之義識草木鳥獸之名十五誦三

禮能明君臣父子之道定郊廟吉凶之制二十誦春秋尚書能精五行九疇之數斷褒貶會盟之節二十五誦詩及易能辨政雅頌之始極變化生生之至又能誦古史百家之書善文章草隸之則耻夫流俗皆實響聲飭華褰末故每外和內厲元元本本學者如斯不舍晝夜垂拱四年以明經高第遂授大成自延載之後條限賓薦長安之初大開貢舉考功是歲千五百餘人召先生課覈淑慝時稱無滯學矣天子聞其進通經術乃下制曰成均大成尹貞業隆時習功宣日就既有勵於分陰俾叅榮於杖席可四門助教

誥誥青襟有所仰矣長安二年六月十日晝寢忽夢
麟臺兩局爭召修文覺而歎曰十二日稷吾當往矣
因命親族序訣至日安枕俟期俄然而卒春秋四十
可謂古之達化知命者也嗚呼天與之德而不永其
年天與之才而不大其位何乎粵七月十七日塋於
高陽原先君之舊塋銘曰

尹氏之子

其殆庶幾

為仁由已

三月不違

謙成德柄

學也身基

辟雍洋洋

可以療飢

環林之下

可以棲遲

我實道貴

人言位微

修文下地

前哲同歸

子之知命

將歿先期

朝衣東首 精鬼高飛 人之云亡 胡不悽而

高陽之原 有陟其側 郭門直祀 松柏一色

丘隴纍纍 阡陌誰識 浮焉休焉 為我心惻

玄州司戶上柱國呂君墓誌

公諱虔字某其先東平人也堯之太嶽始封呂侯周

之太師實表齊國河西則霸王繼代關東則丞相聯

華近從河澗是稱右族大父贇隋幽州都督府長史

考師滄州青池令並振羽儀馳聲郡邑公孝悌天至

福樂混成千里聞騏驥之才五鄉重瑯琊之價壯士

行去樹勲於塞垣君子居之何陋於蕃郡以上柱國

為玄州司戶叅軍積善襲於
風餘慶流於身後享
年若干而卒夫人河清縣太君傅氏四德爰備六行
聿脩始則賓於舅妻終乃順成孟母春秋若干而終
開元十四年某月合葬於州城西南里之平原禮也
我有令子職司馬於小山我有淑孫偶乘龍於大樹
榮哀之事于茲畢矣銘曰

堂堂呂公

休有令德

穆穆傅母

順戎內則

兩譽齊振

雙儀不忒

景行山東

風流河北

有生必謝

誰能獨存

神寧故里

合葬平原

劍暗泉室

松寒墓門

勒銘沉礎

萬古何言

徐氏子墓誌

詩之集三十三

十一

徐氏子者名巖字某司封貧外郎堅之第四子也驥
子睨雲鳳毛詵日孝友因性聰敏若神置在膝前已
會星辰之氣戲於林下能記賓主之詞及搃角成童
精意好學問一知十升堂觀奧下筆成章而倫要發
言為論而卓詭識者咸謂增世構之崇蘊荃源流之
洪潤雖甘露之孫十二飛辯班彪之子九歲能文不
尚之也天乎何辜顏頤無命年十有三歲大足九年
九月遭疾而沒嗚呼哀哉凋月始生不見其盈瓊枝
方秀不見其茂悲哉銘曰

生日何淺 死路何深
珠碎眺月 花殘維林

哀哀父母 孰處何心

鳳閣尹舍人墓誌

我我尹氏太古之始發源堯師中葉周鄉爰暨初考
咸有頌聲猗歟府君代烈增盛孝行之本謙德之柄
耽樂道真含光無競三典郡士五行以正再司府丞
百工興詠茫茫大造物生遂性虛無宰之孰能力爭
位不克德優游天命身沒道存同符孔聖是有才子
克成餘慶子曲阿令銘曰

存為神鑑 歿為國殤
惟呂惟子 同歸義方

司屬主簿博陵崔訥妻劉氏墓誌

夫人劉氏其先彭城人也隋毗陵郡通守子將之曾
孫唐滁州刺史德祖之孫汾州刺史延嗣之女也昔
武子處秦厥初令氏元王國楚是焉昌族盛德之門
龍驥接彩世祿之胄龜席聯華夫人璇室載蘭蕙林
曾秀喈喈黃鳥豔豔清明聞詩聞禮竊比諸生茂行
淵心實稱士女及鳳飛啓繇夫婦盡琴瑟之和鷄鳴
咸纒舅姑移喬梓之敬友愛洽乎妯娌任恤周乎姻
戚豈惟禮備澄幕工深機杼固以能循法度宜其室
家矣年若干以大足元年七月某日寢疾而卒粵二

十九日某辰假塋於某里夫國喪賢嬪家亡淑媛母
氏垂白殯奮所懷稚子始孩翦為無倚嗚呼天道輔
仁人道與順眷茲大德不遐三壽何哉報應之理豈
神食其言脩短之期將事歸於命外姻畢革累歎不
定夫人即吾姨也今薄譔素履未刊幽石圖史之外
有美焉其銘曰

崔實齊胃

劉亦漢宗

宗其顯媾

望偶族雙

閻闈是穆

饋奠斯恭

貞歌浮漢

孝室洞江

珪璋其節

莩李其容

宜享階老

胡寧鞠凶

朝雉飛陌

春蘿墜松

夫傷兮墓

去此何從

百歲之後 蒐考合封

張說之文集卷第二十二

張說之文集卷第二十二

Wahua Library

張說之文集卷第二十三

雜著

弔陳司馬書

弔國傷文

赤帝壇祈雨文

祭城隍文

祭域門文

祭江祈晴文

賽江文

祭殷仲堪文

祭霍山文

祭崔侍郎文

祭陸異州文

祭戰亡兵士文

祭石嶺陷士女文

為人作祭弟文

為人作祭弟文

為作祭舅文

祭和靜主文

為高力士祭父文

為妓人祭主文

弔陳司馬書

正月癸亥孤子范陽張說頓首頓首陳君之靈頓伏
苦蓋遠辱慰疏執對號慟次於展洩來使未還傳君
遇禍盡哀寢外傷心痛骨明府兄毓德南邦飛聲中
夏急人之急憂人之憂勇於履危果於從政入使天
關有專對之美按俗交州見澄清之節故得振衣衡
管割錦閩鄉越嶂舊風人狃輕剽挾之以淳俗格之
以華章矯枉過中斯害也巴齒由剛折膏為明銷鳴

呼陳君婞直而殞皇天輔德問之何故疇昔炎海契
闊周旋義則友朋恩結兄弟方期歲暮燁燁相榮玄
髮未華何圖零落山濤猶在稽紹不孤逝者有知當
昭是意今返防闡力報前書幽明雖異交友無改悲
言下筆涕泗從之并住千錢俾陳奠酌歎歎萬里哀
哉奈何說頓首再拜

弔國殤文

此伐兮東胡邈遼陽兮孤竹偏師兮覆衆在崇山兮
峽谷露芄芄兮蔓草風葦葦兮拱木見馬血兮夜燃
聞殤魂兮雨哭君王按金鼓而氣憤撫珠鈴而淚滋

言文集三三三
橫萬里兮抽恨弔群山而寫悲懟凶將兮我辱悼勇
夫之秋壘繫彼前鑒兮未遠何後來者不追對死地兮
出陣傷門兮用師軍奪帥兮虹食壘車脫輻兮火焚
旗有樂麤兮悞矣無范宣兮媿之命窮迹兮短兵錯
虜鈍刃兮血染鏑旅殘潰兮棄組練山猶號兮谷餘
戰殪原野兮柰何遠君親兮不見於戲何天命之奄
忽俾仁義之禮兵馬蠻夷之俘骨骸六校之飛將闐
五營之功卒吾見出兮不歸噫名存兮身沒

奉勅赤帝壇祈雨文

維開元十年歲次壬戌四月壬申朔十四日乙酉曾

臣侍中源乾曜中書令張嘉貞兵部尚書張說謹以
清酌昭告于赤帝自冬涉春至茲夏首宿麥將秀時
雨未洽皇帝降服減膳避正廢懸恐害稔盛是憂黎
庶仁旨之勤已極兆人之感未通何辜于天而此不
惠曾臣乾曜等同力聖日無敢怠荒薄才批政多所
不及神則不雨或此之由內訟恇惶莫知啓處曾臣
等若上無補衮下不利人方功害能負恩竊位惟神
臨照簡擇其心降禍厥身墜祿損命三臣當咎足謝
天責萬姓何辜俾失農望今因夏享展禮既終上行
聖衷懇祈人命至誠必感佇流嘉液旨酒獻誠神其

尚饗

祭城隍文

維大唐開元五年荊州大都督府長史上柱國燕國
公說昭告于城隍之神山澤以通氣為靈城隍以積
陰為德致和產物助天育人人之仰恩是闕紀與恭
承朝命綱紀南邦式崇薦禮以展勤敬庶降福四毗
登我百谷猛獸不搏毒蟲不噬精誠或通昭鑒非遠
尚饗

榮域門文

維開元五年荊州大都督府長史上柱國燕國公說

昭告于大府域門天有三光地有五行陰陽順序庶
物以生霖雨過旬晦昧不晴柰何以陰賊陽以蒙蔽
明恐害嘉谷無奉梁盛維爾崇墉本人所害積陰攸
虔德在助成苟人是利亦神之臧速收雲雨以復天
常報爾時豚薦爾馨香謹以清酌脯醢式陳榮事尚
饗

祭江祈晴文

滔滔大江南國之紀協靈通氣降福禦災是載方冊
代存祀典歲維季秋苗稼大孰霖雨猥集農夫未收
油油杭稻垂生芽蘗上則神威將廢下則人心何仰

言之集二十三
一四
公私憂窘靡禱不周訴爾明靈撤此雲雨欽儲牲幣
俟荅神休謹以脯醢敬崇禋請

賽江文

年月日昭告于大江之神王有百谷禮尊四瀆善利
維神朝海作賓發源岐山駕福來臻率此荆土明靈
是主已成嘉谷垂敷霖雨聽我虔祈福我農畝旣暎
旣獲旣塲旣庾欣欣衆心願荅神祐潔牲明酌寅奠
江浦

祭殷仲堪羊叔子文

府城中西北隅舊有殷仲堪祠某到官廣其堂立羊

府城中西北隅舊有殷仲堪祠某到官廣其堂立羊

叔子像廟成而祭之維年月日燕國公某敢告晉羊
殷二荊州之神我聞立人之道曰仁與義仁者孝之
先義者忠之主殷公為孝子羊公維忠臣行植晉國
德施荆人不孤其美是建為隣雙鳳雖舊二廟維新
凡百君子高山仰止馨香以時敬恭明祀尚饗

祭霍山文

長安二年月日皇帝使并州道大行軍副大摠管尹
元凱等敬薦清醑敢告霍山之神皇帝天覆萬物各
遂其性祠于群神罔不咸秩獨攸凶軒啜悖天虐人
窺邊猾夏略無寧歲皇帝哀此黎獻勤於征役憫彼

夷落毒於昏暴常欲誅其魁首安是藩毗寇虐盈稔
神人同棄今日送死并朔驚近山陵命將出師龔行
天罰惟神炳靈參野作鎮奠方歆是正直贊揚威武
俾胡馬化為沙蟲王師衆於草木獻捷之日昭報神
休尚響

祭崔侍郎文

維神龍三年月日兵部郎中負外曹良史等謹以清
酌少牢之奠敬祭故侍郎崔公之靈位以行成名以
才起天臨明代是生君子長戟高門層堂峻趾友孝
仁愛衣冠標軌清通正直省閣條理束帶立朝惟國

仁愛衣冠標軌清通正直省閣條理束帶立朝惟國

之俊抑揚吐納金聲玉振器不滯方神無留韻厚奉
外不為假坦率內不違真汎交而容博好施而能均
欲人規已恕已及人故者不違其故親者不失其親
歷否泰能全節故令名不離其身方齊六相助明三
辰何孤我德何負茲神搏空落羽中駕摧輪昔朝秦
列今為弔賓凡二三子夙承遊春聯務七兵歲陽三
變分與時積事由更練蹇蹇公庭申申私宴慟音微
之奄永懷舊範之不見戢容止於綴足潛眉目於象
面哀哉柰何涕零如霰緬惟初疾以迄將亡意氣精
爽乾乾自強顧瞻賓客勉勉矜莊几不側弁衾無解

言文集卷之三
一六
裳話言靜密憂公不忘猶看駿馬尚聽名倡靡藥不
嘗倏焉信宿俄歸眇茫歲祖置酒春中醇醪何去凶
之共棹同歌哭於此堂自古及今人誰不沒豈歎生
死所嗟倉卒脩途未半壯志先伐斃子亂年遺胤數
月在親親與懷舊孰不傷心而痛骨虛莫易收深悲
難歌尚饗

為河內王作祭陸冀州文

維萬歲通天元年月日神兵道大摠管河北道按撫
使右金吾衛大將軍河內郡王以少牢之奠致祭故
冀州刺史陸君之靈戎羯不道侵軼幽都凶渠殄滅

餘燎星鋪鳴弓扶柳飲馬集蘆集蘆同惡難起無虞
梟鏡為旅鯨鯢有族裳其耒兵剡荻弦未叛換吞噬
睢盱觸逐亂舞梯衝潛攻版築鑿齒爭厲熊蹯未孰
踰垣自漬守陴皆哭高扃已陷連棧復焚人類雜草
城隨壞雲僵屍暴骨藉藉紛紛嗟嗟使君死節無恡
政寬成俗兵櫓不振狡爾猖狂難以德鎮城為讎保
身膏虜刃明明上帝仁覆憫下赫赫神立駘馳在野
朝告夕起如何不及將守非堅為寇是急救兵遠來
涉血猶濕三軍雷歎百城雨泣天子命我董戎冀方
旌旗介冑千里相望既掃氛濁言巡戰場輯穆人吏

撫寧孤孀徘徊城府悽愴甘棠禮重王事哀深國殤
鬼号有感歆此嘉嘗

為魏元忠作祭石嶺戰亡兵士文

維長安二年月日勅魏元忠以酒脯時果之奠致祭
于石嶺戰亡兵士之靈戎羯慢天南牧吠主石嶺橫
地北都高戶與我王卒保界并土如何不弔罹此寇
虜列鎮既嚴連巖既削攻則路險守非城惡彼謀匪
滅實愆借作援絕兵減軍孤勢弱地拒兩陁山望雙
崑胡塵大起白刃交錯石盡矢窮旗焚胃落嗟爾戰
夫烈烈忠義奮不顧命志無旋踵身沒名揚生輕義

重天子命我理兵晉陽思與士衆底寧遐荒痛茲壯
士翦為國殤盍訴天帝降厲鬼方助氣金鼓復怨沙
塲虜血爾醉虜醢爾當封屍死所招魂故鄉尚饗

為魏元忠作祭石嶺沒士女文

維長安二年月日朔勅以酒脯時果之奠致祭石嶺
死喪百姓之靈北胡自擅賊虐不道氣捍朔風馬肥
秋草侵軼郡縣驚逼稚老奔走山軍是障是保兵不
善守將不遠謀如何滅竈無復燒牛俾爾士女燔于
寇讐竟飛狄刃血迸羶裘殤悲兩哭氣怨天愁惣兵
帝鄉言念北阜抗憤戎漠傷心按部泣吊郊童哀問

田叟為爾復惡誓滅群醜踈踏蘭山脂膏藟藪誠若
克就沒亦不朽慰爾衆靈酌此簞酒尚饗

為人作祭弟文

維年月日兄某致祭亡弟尚書之靈天實喪子不整
遺善家殞玉樹國墜寶臣嗚呼執柔何痛之甚嗟予
與爾夙遭閔凶哀悼相鞠殆及成長爾性岐實頽德
表宣慈居盡友悌之心言必忠貞之事綿綿我族俟
子而大奉祖德之令圖荷朝戚之惠渥白首相對紫
綬緩雙紆爾既秉國鈞既敷朝典出牧千里八宰六
官予聞爾言嘗誠過寵余嘉爾行在貴能卑清淨温

恭每希於上士飲食車馬不越於平人每思與爾歸
印東都懸輿故里揚名講德居常待終當謂老夫沒
於汝手不圖令弟殞自我先及爾痾屬予伏枕纏不
見數日長悲九泉嗚呼刊述未成平生已盡髮膚猶
在魂魄焉知聞爾屬續之辰託予身外之事薄塋之
禮還從爾心字孤之情不待遺意所恨在疾不觀於
喪不臨沉綿苦懷纏迫斯甚予羸老矣傷心幾何人
琴兩亡命也命也

為鄭虛已作祭舅文

維年月日外生虛已謹以清酌少牢之奠敬祭于故

汴州司馬四舅之靈豐積周親天禍外氏仁舅捐館
靈輶祖庭四海喪其範儀九族失其陰潤今循昔觸
緒增悲恭惟先門逮舅平日淵流莫逆道術同歸穆
齊鄭之累姻深言孫之至友反鞠凶之際創巨失圖
賜原獲塋之恩事優含哺之育顧省全立功歸撫惠
竊荷濟於百罹思效過於一等豈期德素積而力其
醜願未申而禍先集不孤之託緬爾何依猶父之心
忽焉罔報冥昧靡覲存亡永遠執饋奉酌五性含塞
幽靈昭察當歆宿誠

祭和靜縣主文

維年月日敬祭薛氏太夫人和靜縣主之靈惟夫人
軒庭繁祉羸臺茂淑承訓公官宜家鄉族博士學藝
尚書題目法度蘋蘩儀刑松菊夫拜中令昔同鮑婦
子昇瑣闥今類馮母舉按如賓闔門誠友在貴能降
居貧施厚天道初革王風變韶維城落構若木踈條
欽聞積善智洽仁昭克庇二族命服兩朝肅肅柔和
如風是暢娥娥女師如月斯望潘輿獻壽仲祿方養
不弔昊天何德之喪嗚呼哀哉洛邑啓殯長安歸怕
哭慟高臺旌縣舊宅階濕夜露庭陰曉魄嗟我外姻
俱成弔客

為將軍高力士祭父文

維開元十七年月日孝子力士敢告于考潘州府君
妣南海太君之靈小子不天夙齡閔凶身嬰冠標家
值虜裂幸供洒掃之餘遂蒙侍從之顧扶戴明聖逼
畏艱難大固不敢不密小亦不敢不誠事必記心言
無漏口日慎一日將二十年玉弁加首金章在佩先
靈納祐明降鑒阿母遠至於京華妹兄自拔於泥滓
咸以官漸榮祿姻通士林慈顏固復於目前同氣展
觀於膝下又緣育幼高氏變族移家敬愛盡於二堂
溫清周於一紀不圖無狀招禍見孤奔聖主恩華曲

遠存沒邑封舊郡官贈本邦親感恩澤子承父意致
命報天誓有同於皦日竭忠資孝志無忝於幽泉敬
惟靈懷慰聞昭遂先遠有日卜兆新營遙啓尊魂合
拊良壤哀迫祖載攀戀湏臾謹以清酌少牢恭陳遣
奠盈罇不舉虛饌莫嘗號天叩地殞絕何仰

為妓人祭故主文

維年月日故妓人伏十善謹以清酌少牢之奠致祭
于元十郎之靈淥流茂樹萍蘿是依山崩川竭魚鳥
何歸恭惟主君高才達節賞心樂事風流不絕歌豔
露華舞廻春雪幸持此技承君餘悅綺羅脂粉嬌上

春自言終世寶情親寧知一旦君恩斷繁絃清管為
何人懷主君之異頭頭徇命於九原迫失人之嚴旨
遂投足於他門生有十年之愛沒無一日之恩雖強
容飭於新奉心摧絕而不敢言君子廣仁心必遍疇
昔與君琴罇懽宴永懷蕙歎俯憐荼苦錫以時珍申
哀故宇厥車既展祖奠斯開悲歌助挽長袖乘盃平
居好此魂來不來心思往而莫遂足欲返而遂迴終
天地於此訣毒煩寃而難裁

張說之文集卷第二十三

張說之文集卷第二十四

表

請不從靈駕表

奏慶山醴泉表

奏瑞禾杏表

賀岷山表

羊乳麀表

為留守奉嘉禾表

建安王奏失利

謝賜衣及藥表

為建安王讓表

為薛稷讓官表

為郭振讓官表

為僧辭公封表

百官請不從靈駕表

臣某等言伏以靈駕首途聖恩攀從國計非便群情

不安冒昧上祈未蒙哀允跪拜還肯載深惶惕臣某
等誠惶誠恐頓首頓首死罪臣聞古者天子上法天
心下極私情不違衆欲以順人理國爲孝以克巳制
心爲禮是故凡聖異禮公私殊制私心獨展凡人之
孝萬姓感善聖人之孝也陛下行堯舜之事以萬姓
爲心奈何守曾閔之節懷獨展之願臣等竄竊竊所
未曉且永淳以後閔輔流散近適旋定人猶未足今
山陵起築役徒摠萃彌春涉夏爲費弘多若陛下此
行群司畢從於人取給臣實難之水旱小愆農慮非
淺東都則水漕淮海易資益穀之蓄陸走幽并近壓

戎夷之便朝命新復人望在安宜應靜鎮未可移動
陛下若俯順群願留撫都人則其安若此如不勝私
情攀奉靈駕則其慮如彼况扈從兵馬既不預集行
宮廩蓄又未先備發期甫爾支計闕然倉卒敦迫必
不堪辨若待陵寢既安霜露終感三農歲稔萬乘時
巡奉園廟以展瞻日月以何遠今固將杼私戀棄
群言忘人力薨國用此實非陛下安集新業之圖亦
恐非先后憐憫遺人之意且朝廷故事典章猶在獻
陵追遠太宗不至於三原昭陵上遷高宗不至於九
峻豈先帝私懷不甚老故群臣公議之所奪也伏願

言之集三十四
三
仰遵舊訓顧定新基屈至性而順群心抑小節而成
大孝使軍國長算咸洛皆安邦甸窮人賦歛少減萬
姓翹望實深至願有寮結誠期於死請無任悲迫之
至謹詣朝堂奉表固請以聞

為留守奏慶山醴泉

臣聞至德洞微天鑑不速休徵祕景時和則見是知
綿代曠歷慶謀祥經帝王有必感之符神靈無虛應
之瑞伏惟天冊金輪聖神皇帝陛下金鏡御天璿衡
考政欽若立象弘濟蒼茂功將大造混成純化與陽
和俱扇朝百神之樂職宅萬國之懽心嘉氣內充浩

和俱翫朝百神之樂職宅萬國之權心嘉氣內文滄

雨外息豈止搖風紀月之章列時於階除儀蕭啣錄
之禽相鳴於戶閣而已固有發楨厚載抽肥泉源表
玄德之潛通顯黃祇之昭報臣於六月二十日得所
部萬年縣令鄭國固忠狀稱云六月十四日縣界霸
陵鄉有山見醴泉出謹老戶曹參軍孫履直對山中
百姓檢問得狀其山平地湧拔周迴數里列置三峯
齊高百仞山見之日天晴無雲異風雲之遷徙非崖
岸之蹇震欵爾隆崇巍然蔚鬱阡陌如舊草樹不移
驗蓋地之祥圖知太乙之靈化山南又有醴泉三道
注三池分流接潤連山對浦各深丈餘廣數百步味

色甘潔特異常泉比仙漿於軒后均愈疾於漢代臣
謹按孫氏瑞應圖曰慶山者德茂則生臣又按白虎
通曰醴泉者美泉也可以養老嘗出京師禮斗威儀
曰人君乘土而王其政太平則醴泉湧潛巴曰君臣
和德道度協中則醴泉出臣竊以五行推之六月土
王神在未母之像也土爲宮君之義也水爲智土爲
仁伏於土臣之道也水相於金子之佐也今土以月
王而水從土制而靜天意若曰母王君尊良臣善相
仁化致理德茂時平之應也臣又以山爲國鎮水實
利人縣有萬年之名山得三仙之類此蓋金輿景福

寶祚昌圖邦固不移之基君求無疆之壽自求昌之
後迄於茲辰地寶屢昇神仙再聳未若連巖結慶並
泌瓠甘群瑞同區二美齊舉高視古今曾無擬議信
可以紀元立號薦廟登郊彰賁德齡衍萬宇臣辱
司京尹忝寄留臺牧西夏之疲人荷東蕃之餘寵游
涑鴻沛神禧嘉祉物感有歸先啓茲部茲喜覩殊觀
寶百恒流踊躍一隅馳誠雙闕伏請宣付史館頒示
朝廷無任鳧藻之至

為留守作奏瑞禾杏表

臣聞天微地杳惟聖能通物寶靈喜在德斯感伏惟

天策金輪聖神皇帝陛下覆翼萬方植生群類化行
至道風流太和白耀青光目日月之瑞赤文玄甲手
河洛之符既慶溢於山泉又嘉賁於草木臣今月三
日得所部萬年縣令鄭固忠狀言縣界內霸陵鄉新
出慶山南之醴泉北岸有瑞杏三樹再葉重花嘉禾
三本同莖合穗臣謹老司兵參軍鄭味玄檢覆皆實
臣謹按孫柔之瑞應圖曰嘉禾者五穀之長也王者
德茂則生昔炎帝教洽人心而嘉禾秀周公理合天
道而嘉禾豐臣又以事可理推物有類驗蜀桑異葉
李定知其有祥漢木竒枝終軍以為無外今植物搖

落而瑞杏繁滋所謂仁育之風行於肅殺之序此蓋
聖道隆渥靈祚和多朱萼素花彰孝理於詩傳一莖
九穎合德耀於祥經曠代殊珍崇朝累集方俟山流
石髓杏茂仙林醴挹軒漿未登堯膳受天介福錫帝
長齡覲王母於昆臺朝神人於谷口今綠苗尚莠黃
粒未成當須早秋不獲早獻臣忝尹茲部頻囑洪休
抃躍之誠倍萬常品

為留守作賀崑山

臣聞山川變見如來有尋道之祥國士遠移至人任
不思之力伏惟皇帝陛下弘惠福深勤人願滿蓮花

授記應上聖之降生貝葉開圖握大雄之寶命司戶
參軍孫履直伏承臣奏所部萬年縣新出慶山醴泉
乃有天竺真僧於春首獻狀若以梵音所記此是祇
闍山恒河沙法佛必經林下虛空衆聖堂處巖間隱
見外方湧秀中土岑泉可識體類宛然感應十號之
尊示見千輪之主此實天威無礙地寶有歸化焜耀
於裁成理竊冥於言說但瞻三山丹壁奄靈鷲而飛
采三泉淥池逐神龍而吐沃峯高八百協周室之隆
基地得萬年祁皇靈之資始儒書分載望得希聞加
以堅固開林吉祥被草重花瑞杏藻岫紅源九穎嘉

禾葱巒黛壑原臨白鹿識鹿苑之仙遊路邇朱城悟
王城之鍾聽方俟迴輿雪嶺馱香積於群臣沉璧天
池蔭靈枝於下國吹法螺而朝玉帛乘瑞泉而會天
人溢宇流觀殊隣決慶臣守符京郡奉神嶽於郊畿
係葉皇柯仰慈雲於油露喜抃之極倍百恒誠

羊乳摩

臣聞靈感無方每先時以見象神鑑不昧必憑物以
示人有德著而休歸或祥來而事應伏惟皇帝陛下
端冕馭天舞干柔遠南越瑞貢久通澤而歸仁西域
奇山近隨方而應聖臣今日得所部萬年縣令鄭固

忠狀送新出慶山下殺牝羊乳麋麋一頭狎擾因依
動息隨戀如後所產若素同群理有可嘉事無前例
竊以育類相育外方慕化之徵野畜自馴荒服來王
之兆必有遠夷解辨歡心百獸之庭曠俗懷音稽顙
三乘之會臣言可驗翹足是期昔馬或生羊易占得
人安之體犬時養氣天鏡顯代康之文接此比蹤實
為同貫况復晨飲醴浦夕下靈山翳仙杏之奇花捨
嘉禾之餘穗羊禛甚玉麋慶如銀晦朔未移祥符累
集福應之盛前古未聞臣忝都京尹屢薦嘉瑞抃躍
之至兼倍恒流奉表隨進

為留守奏嘉禾

臣某言臣聞天聽自人神和在德代非之瑞罕遇交
泰之期福不虛徵必俟休明之主伏惟皇帝陛下仁
覆萬靈孝理四海功罔高於尊祖道莫大於配天嚴
備郊禋崇肅宗祀扶百王之禮兼六代之樂化溢膠
庠訓優更老政每光於帝籍役不奪於農時嘉氣橫
浮祥風紛洒騰文煬色九光連合於貞明逸輦殊輪
百寶駢滋於動植臣今日奉進止告望鳳臺山泉
之瑞其日於東山栢城內得嘉禾一本臣初見衆苗
亘隴香賴茁秋嘉翫繁滋欲觀桴粒左右無識折以

呈臣異其綠葉緩舒葱芒壁秀熟視竒狀乃知嘉祥
下則異畝合塋上又同延雙穗昔雍熙之代理政之
君雖導出應時而生不擇地未有託根神域彰孝德
之能深吐秀壽官助棗盛之豐潔此蓋睿誠通感天
祐降祥中古以來未覩斯美臣籍慶宗枝夕沐星潢
之潤躬持瑞穎預奉天保之符抃悅之誠倍蕪恒品
為清邊道大摠管建安王奏失利

臣某言今日某往峽石山稱前軍王孝傑等以某日
失利於峽石山忽聞殞絕心摧魄死上孤天威下慙
士卒死罪死罪頓首頓首臣以驚怯謬職戎麾銜戴

恩榮統率將士驅關隴之馬引淮海之餉旗幕亘於
邊城弓甲傾於內府不堪任使撓失節度群帥無決
勝之功偏師有挫劔之咎長犬羊之孔熾縱梟鏡之
未滅慣結靈祗怨毒骨髓臣實其罪罪非他人忍耻
苟全遠愧胡顏之責引慝逆死內負猶鬪之心跋踏
無顏進退靡處臣既不建師律有干常憲合即嚴科
以塞其重責然以見在兵馬交要部絕未敢束手軍
事委置旌節稽綬刑書伏深兢戰特乞更召嚴猛代
臣統師請歸罪司宥以正國刑囚伏邊陲唯待斧鉞
為建安王謝賜衣及藥

臣某言伏奉月日恩賜臣衣及藥渥流瓊極彩溢旌
門拜捧戴舞載欣載越臣受律虧方扞城無寄偏師
不振逋寇仍滋進慙計日之剋退任踰時之咎誠合
歸罪司寇以厭深責豈圖天寵猥臨宸慈寬假當從
褫服轉承且吉之衣宜肆典刑翻加有喜之藥毀車
夷馬復振鷲和窮炭枯莖重敷榮觸影雖邊塞心馳
城闕微命易投生成難謝無任感戴

為建安王讓羽林衛大將軍兼檢校司賓卿
臣某言伏承月日勅書除臣右羽林衛大將軍兼司
賓卿朝榮對及恩露洪岳整仰驚抃環揆慙失臣某

頓首頓首臣席慶皇枝辱司天衛素官成貴久盈人
口頃屬山戎自擅王師震加謬當推轂之禮竟空汗
馬之勩實賴睿誠幽贊靈兵潛討滅犬羊於遼海卷
旌麾於燕薊臣得歸功化闕待罪東蕃沐沐休貺生
死榮華安敢賣塞而告勞貪天功以為已又况羽林
清禁上則星辰主客命卿下法河海蓋文武具美方
議望僉歸豈臣弊劣所堪尸忝伏乞特迴騰鑒更擇
能賢俾朝興新舊之歌臣免伐檀之刺非敢飾讓實
披誠請無任悚戴之至

為薛稷讓官表

臣稷言伏奉制書除臣工部尚書寵靈俯逮營魄震
飛揣分何偕戴恩無力臣某中謝臣才乏濟川功微
橫草故以業承薪構澤潤葭苴效雕蟲之薄技蒙金
螭之榮飾徒參進對愧無好詞頃以冗職東垣暫諧
清曠今若統司南省將招素飡五翟之正典事斯重
六宮之長求人未易以臣叨授實謂非宜願寢前恩
致命他士無任悚懼之至謹詣朝堂奉表陳讓以聞
臣所讓人別狀封進

為郭振讓官

臣某言臣本書生幸事先帝歷踐清職遂參機密宗

武樹黨忿疾正人猜忌眉睫搆結瘡痍臣與一二貞
士指天誓心支梧群邪捍城王室曉入宮省暮不望
歸艱危備常幾不免禍日覬一日以逢開泰臣之宿
圖今已足矣陛下寶位既復元良又定凶雠咸剪百
度惟新正宜博採屠釣大變風俗豈臣微才空忝重
任外不厭於衆望內實猥於多言但父年老先嬰風
疾五月以來不離枕席臣方寸已亂短效無施夙夜
在公扶持有關乞免官秩歸侍私庭罄父仰恩期於
孝治無任懇迫之至

為僧普潤辭公封

僧普潤言伏奉甲寅制書以普潤加榮沐秩授邑封
公聖恩無涯將變枯朽佛法有教誠願住持普潤自
剃落壞衣五十餘載心不見是口不言俗因誠證業
憑禪悟理幸逢皇祚特啓大運有歸皇太子逼畏凶
讐末懷興復憂虞之際始蒙顧問貧道起廣救之悲
決必成之策奉符命之旨贊無畏之心今得衆生又
安群魔消伏在於法侶所願為多視身本無何功受
祿天位有得陛下享之天討有罪太子行之豈貪天
之功以為已力賣佛之法而求身利必若冒榮背律
返俗違貞亦恐乖陛下崇信之誠失如來付囑之義

凡所稱述諸佛證明伏惟聖慈亦垂聞領乞停恩授
以幸法門無護戒傳道之至

張說之文集卷第二十四

開化圖書館

Kaichua library

張說之文集卷第二十五

碑銘

盧思道碑

蕭公神道碑

楊君神道碑

馮公神道碑

元公碑

齊黃門侍郎盧思道碑

有齊黃門侍郎范陽盧公諱思道字子行涿人也其
先姜姓世祚東海別為盧氏家于北燕自漢世中郎
將植至侍中陽烏徵君之子稟天靈傑承家令軌清
明虛受磊落擯竒言不詭隨行不苟合遊必與俊門

無塵雜至於求已勵學探道覩奧思若泉涌文若春
華精微入虛無變化合飛動斯固非學徒竭才仰鑽
之所逮也事齊歷散騎侍郎以文翰直中書中廢復
進至給事黃門侍郎待詔文林館武平末天子摠兵
禦寇太子監國于晉陽公留綜宮朝燕輿樞密及皇
輿敗績於外而百寮蕩析於內公節義獨存侍從趨
鄴告至行賞授儀同三司入周除御正上士定者歸
郡郡人祖英伯作難公脅在其旅幽都既平玉石將
燎賴元帥于文公舉以舊有令聞引謁因命草露板
就駭其麗異敏釋於齊斧之下揖于群士之上除

掌教上士隋高祖為丞相也遷武陽太守以母老乞
解職優詔許之後復徵為散騎侍郎奏內史侍郎事
隋開皇六年春秋五十有二終於長安及葬故里凡
更臣三代易官十七再降一免二去職八平除擢遷
者四而已公處屯安真賦詩頽飲視得失蔑如也臨
難無懼在黜無愠危不去主仕不違親休明有禮賓
之盛顛覆無淪胥之禍其大雅者歟夫禮儀損益公
能言之故與熊安生詳定齊禮三墳五典公能讀之
故與薛道衡侍學儲后公國華人望光照鄰邦故所
居之朝應對賓客脩詞抗議允執其中故青瑣黃縑

異代咸掌大名之下豈誣也哉昔仲尼之後世載文學魯有游夏楚有屈宋漢興有賈馬王揚後漢有班張雀蔡魏有曹王徐陳應劉晉有潘陸張左孫郭宋齊有顏謝江鮑何劉沈謝徐庾而北齊有溫刑盧薛王皆應世翰林之秀者也吟詠情性紀述事業潤色王道發揮聖門天下之人謂之文伯於戲國有校家有塾祿位以勸風雅猶存然千數百年群心相讓竟稱者若斯之鮮矣才難不其然乎然則飛黃虛騁百轡遺路鷩鵬天運萬翼無階文士擅名當時垂聲後代亦云才力之絕衆故爾開皇以來百三十餘載天

贊唐德生此多士公之玄孫曰藏用濟美文館重祿
黃門束惟衣冠子孫邑里多改先入封樹歲代將平
迺假詞菲才刊石表隧庶乎涉齊地者不薪柳惠之
隴過刑山者無惑子產之墓至矣乎盧氏之子其用
心也遠矣銘曰

或或黃門

實天生德

才蓋一世

榮聞四國

文王既沒

文在人引

公為宗匠

當朝與能

龍躍春霽

鳳鳴朝升

或頌或變

或雅或承

理以神合

聲以妙徵

高視睢渙

與君代興

人之云亡

十有一紀

斯文未喪

施于孫子

新作豐碑 德音不已

贈吏部尚書蕭公神道碑

仁以度心施物義以由道利貞孝以養志安親慈以
教忠有後舉四行之尤善成百代之餘慶蓋得之於
蕭府君矣公諱灌字玄茂蘭陵人帝高辛之苗裔也
玄鳥授命教敷五德白雲入房網開三面微子封宋
樂叔居蕭氏族之始也相國下奉大夫師漢門闕之
宗也大齊以蕭竹膺期踐皇帝之位大梁以木刃興
運張天地之圖傳寶祚於一家易鴻名於兩漢青蓋
入洛重南國之衣冠白馬朝周盛西雍之賓客公即

梁宣皇帝之玄孫明皇帝之曾孫大父南海王珣入
隋封梁國公慕德乾坤承靈睿哲舊邦雖改見周鼎
之時輕新社仍封知晉封之必大考鈞中書舍人率
更令引文館集賢兩館學士學窮祕願文標宗匠廣
博幽深契神無迹溫良恭儉與道為徒是謂啓迪後
昆而焜燿前烈者也公搃山河之粹氣注日月之末
光心根孝友器包禮樂動躡思後故口無擇言照在
機前故身無擇行加以啓蓬山之塞路入藏室之玄
閔四科得游夏之門六藝取鍾王之雋年十八明經
高第補代王劭曹王昇儲改通事舍人又換內直監

曳裾西莞擅文士之揚束帶東朝首正人之列外艱
去職王戎死孝時論憂之閔子免喪哀心未盡乃不
就祥縞不撤几筵者久之或曰懷其實面其國行其
志約其親可乎哉公曰吾過矣不得已而外除不擇
官而祿仕拜國子監丞以婚姻之故出為甘州司馬
徙集嵐二州司馬轉渝州長史其從政也反身以惠
下推誠以敬上老吾老以施教幼吾幼以子人執其
心也河往不濟故歷佐之邦必僻陋知方戎蠻變俗
狼戾馴軌貪穢寡欲迎新者望風而歌來暮送故者
計日而戀不足詩云傲人君子正是國人能長人之

謂也太夫人在堂有羸老之疾公因使人計得扶持
還京下巫峽之波上當陽之坂展轉在側殷憂歷時
席不安枕衣不解帶及板輿長稅遂扶杖不起子春
視疾加損徒勤右建執喪哀自稅絕求淳元年八月
寓居穰縣終於苦蓋春秋五十有七先君之服也三
年有終公過時不釋聖善之喪也五十不毀公戀親
滅性君子曰禮也夫可謂至矣夫人京兆常氏祖雲
起兵部尚書父師實秦州都督公卿令族蘭杜齊芬
鳳凰飛鳴始正家道珠玉秀色終高母儀年五十有
四長壽元年十月逝於京師布政里粵以二年二月

辛卯合塋於少陵原之先塋禮也其孤嵩克戴聖君
以宰天下大福再成於身後湛恩廣運於泉路開元
十七年仲冬癸丑詔曰中書令高父某乙毓粹冲和
降靈神象言入精微之學迹登聖賢之軌位不充量
道足庇人松檟雖幽音徽不昧宜承追遠之慶俾崇
冢宰之榮可贈吏部尚書同日詔曰嵩母常氏傳一
經行包四德才淑冠乎邦族言範光乎母節誕茲寶
臣作予良弼封其石窆俾承土宇之榮表以金章永
闕珩璜之飾贈魏郡夫人於是建宗廟修禮物崇君
後命告我前人遠哉心乎一恩一敬之感會也如是

後命告我前人遠哉八年一思一敬之愿會也文是

垂裕立訓克家揚名遺愛至矣慎終備矣東武公之
子孫共連塋闕南城侯之夫人同刻碑銘詞曰
維蕭係宗出宋之子天命齊歷河圖梁紀累帝重王
雍容文史是生邦俊世濟其美仁義孝茲中和庸祇
文章鳴鳳禮樂元龜碣館牧馬儲閩潘賈人望國華
風流儒雅歷佐列郡政成休問行立時法言垂後訓
沒而益榮追位冢鄉哀感有情事傳無聲墓門松平
碑字金生不知千古誰遊九原

贈戶部尚書河東公楊君神道碑

若夫孝在揚名志歸令德事因感激氣槩生焉時逢

屯難勲業成焉桃李灼灼不自言於蹊迳松柏青青
不受令於霜雪窮獨善而無撓達兼善而無矜子曰
君子哉若人吾斯河東公之謂也公諱執一字某弘
農華陰人也司空觀王雱之曾孫鄆州弘農公續之
孫潞州胡城公思止之子戶部尚書相國執柔之弟
觀公侍中恭仁公之伯父也安德公尚書令師道公
之叔父也在隋則二代五公在唐則一門三相公台
輔積慶稟清明之識河岳會靈資磊落之氣體剛毅
深於城府蘊規畧長於襟帶戲為軍陣敵國之勢幼
成請學兵書長城之望早集年甫十六先君捐館七

日絕飲三年泣血縞素有制儒家歎其從禮柴棘加
等議者憂其死孝清明祖德勢冒能貧大夫人
在堂有致力之養非躬藝黍稷不以供甘旨非
手樹桑麻不以薦絺纈年逾一紀勤不知勞極
既安親之心方展事君之節乃濯纓璜渚獻策
金門于當代之聖君論芟下之成敗秦皇覽奏
屏左右而與謀漢帝聞言膝前席而不覺一見
拔王鈐倉胄再見取尚食直長三見寘典設郎
驟進直詞深觸權嬖為易之兄弟所嫉授伊川
府果毅又上封章帝用嘉納加游擊將軍右衛
郎將歷清率道換右衛中郎押千騎使摠統魏

武便繫肘腋故得協心五朝戡勦二豎奮飛北落推
戴中宗嗣唐配天不失舊物以臣復勲拜雲麾將軍
右鷹揚將軍封弘農縣公賞未充庸且有後命增冠
軍大將軍右威衛將軍進河東郡公邑二千戶賦四
百室俾之鉄券恕其十死又錫天馬瑞錦珠盤瑤爵
綵紋五百纁素三千分三土之上腴處五等之高列
瑠戈紫綬環衛於鈞陳玉璫流黃侍祠於清廟豈知
豐結梁魯政出豔哲里克納惠而為戮葺叔成周而
見咎彼五績之摧頽此三出之屯躓出為常州刺史
以夫人羸老乞避卑濕特降中旨轉收晉州駙馬都

尉琅琊王同皎親賢地切休戚圖深劉安之策未遂
鍾室之災先及吏扇紛獄公陷關通貶徙沁州刺史
不知事仍長任夜魂九逝非北首而無歸畫戶重扃
異南冠而司繫果能推分榮辱忘懷生死人不堪其
憂公不改其操久之盡削官封放懷侍母梁山雨雪
不隔曹氏之思王畿風景來就蕃園之養尋而大勲
不廢天道復反歸既奪之井邑起故時之將軍擢衛
尉卿尉復初封爵巖巖劍山蜀之險要嗷嗷飛鴈人
未安居飢渴仁明輯綏凋弊又授公劍州刺史蔚彼
黍苗樂我膏澤內憂遠計殞絕逾時於是搏膺星奔

徒跣末路兩不接夜身不解纒回心過禮朝流欽歎
有命奪情除汾州刺史知團結兵馬哀訴不允金革
無違中國簡稽而有備單于遁逃而遠迹詔徵為涼
州都督兼左衛將軍河西諸軍節度督察伯姓赤水
軍等大使公富以農政和以師律章信蕃部赫怒軍
容斷匈奴之臂磧路安而不警張漢家之掖雪山間
而無寇遂攝御史中丞璽書勞俸辱賞稠疊又牧原
州未發復授涼州都督改右衛將軍使悉如故尋移
許州刺史未到以單于欵關授右衛將軍檢校勝州
都督兼處置降戶使懷柔以德種落宜之徵還本官

又兼原州都督旋屬降戶翻叛河朔倣擾邊城聳盛
諸將無功強脩連率夏州按察閔內羽書日夜俾遷
郡牧公按甲待敵確乎不動虜騎威畏竟無來掠向
使迴避行於一步則攘竊啓於萬端十將五耗數年
未復既而強公追捷朝端延賞徵拜右威衛大將軍
進檢校右金吾大將軍尋而即真禁衛肅然異於他
日也皇上哀庶戮之不辜念群胡之自廢大軍之後
荆棘生焉乃命公攝御史大夫為朔方元帥公剛腸
疾惡擒姦摘罪曩將之所彌縫宿吏之所汙沒匿賊
散廩一徵百萬矯柱過正衆口翬然改右衛大將軍

都督兼燕處置降戶使懷柔以德種落宜之徵還本官

無何復右金吾大將軍金刀更新髀鞞仍舊巖廊益峻徽道增清改金紫光祿大夫鄜州刺史人寬利急猶前政也享年六十又有五開元十四年正月二日薨于官舍闔境發喪列城望祭古之遺愛何以加焉天子傷之下詔曰故官某夙負名義早著勲庸居內外之職備文武之任忠勤匪懈誠節無渝忽焉徂歿情深悲悼可贈戶部尚書歸賜成喪有加柩數維公以孝敷聞以忠特達以翰述職以能典兵凡領郡十四將軍十二再杖節鉞三執金吾一至九鄉二兼獨坐儼有直道侃無媚辭銀艾復乎舊德珪爵傳乎祚

胤全志節於夷險與祿而始終謚曰忠公朝之令典
新城郡夫人獨孤氏左威衛大將軍贈益州大都督
卿雲之女也婦德母儀中外師範開元四載先公即
窆以今十五年六月合葬於咸陽之洪瀆川禮也其
孤濯注等街恤靡訴託詞疇識感稱代之垂文哀劬
勞之罔極銘曰

堂堂楊公

神密氣雄

正國危忠

若身難孝

落彼狡童

樹此帝功

昔関稱西

今也河東

觀王之裔

珠華玉麗

重葉尚主

三朝嬪帝

鞞鞞七德

侁侁六藝

公之亢宗

美為世濟

涼鎮西隅 邦臨北胡 天子授鉞 將軍剖符

青蛇入笥 白獸銜珠 去持玉節 來執金吾

轉予瓜士 守于廊時 明察號神 仁恩名子

武都石折 文昌星死 素蓋歸飛 黃泉已矣

卜葬巷阿 哀榮孔多 尚書鼓吹 太守虞歌

碑流雨迹 松引風過 獨封茅土 長誓山河

故括州刺史贈工部尚書馮公神道碑

金之為寶百鍊而惟清玉之稱德久幽而不昧聖人

美焉君子比焉可鑠也不可奪其剛可毀也不可汚

其潔偉哉馮公秉斯操矣公諱昭奏字遇聖長樂人

也說學於古史豈不聞舅氏之厥初乎畢公建德于
周畢萬大名於魏別封之裔遂氏馮城秦則丞相並
時漢則將軍重世積仁纒慶王者鬱興晉南浮因
燕北號家變成國為天下雄勳業競五伯之先子孫
齊二王之後公即昭成皇帝之十世孫也高祖大將
軍隨州刺史長山公謙以寇恂之才翊戴周武曾祖
兵部尚書左僕射魏國公世基以曹參之力經濟隋
文大父尚書左丞檢校御史大夫少府監揚州長史
安昌公長命以佳吏之名勤勞王室考仁高亮無祿
子道不究故公身而襲安昌公焉清明澈澈標格峻

暨夏翟耿介無矯飾於常絃寒松青冥不受令於霜
 雪專經覩與習法精理起家左奉祿改讓賢府果毅
 換文州司馬為酷吏所陷罷官久之調榮州長史屬
 城慢文法按而繩之入計會府讐家橫訟明勅杖其
 愬者遷公宋州司馬朝廷翕然知有王法復假右臺
 侍御史江南道廉察使類會高等加朝散大夫進潞
 州長史堆岸受湍孤醒見嫉轉湖州長史公東濕不
 回聚蚊交訟貶為饒州司馬未行降使詳覆拜鄂州
 刺史制曰公志氣剛勁操履貞潔歷佐藩條咸有聲
 精詰姦糺謬不避強禦苦節清威若凌霜雪傾因諛

黜遂有貶降使者案問皎然明白俾從優獎特加寵
命其在江夏異政風行入為太子家令兼知內外鑄
錢事國泉是殷盜鎔乃絕河朔淫雨帝思作乂俾公
檢校刑州刺史散有賙賙無人忘歉歲帝乃璽書勞
焉其旨曰卿忠於事君簡以臨下忘私徇公之美歌
謠所載擒姦擿伏之竒吏人攸仰雖陳朔之貶黜邪
匿王業之斥除貪殘無以加也一郡清淨副朕意焉
其後以戚累移睦州刺史復為群小所譖在授泉州
司馬未之任又貶榮州司馬砥節荒服天高聽卑除
温州長史俄復舊階拜括州刺史水國瀝洳苦疾言

歸景龍三年六月十三日終於蘇州之逆旅春秋六十有五正人嘆息舊莅傷感公清白傳家信義高世門有竒士室無文物夫其善於鈞距長於衿帶法嚴令俊人寬吏急當官而不避諛慝之口除惡務本而不求愷悌之譽出入從宦十有六職以謗獲貶者五洗謗特遷者四不曰忠乎將無悔於九死不曰直乎焉往而不三黜故人謝而名益著迹遠而風可懷也皇上志其持法無撓贈大理卿本其坐樹無言謚之曰節窆窀之事一以官供哀榮之禮被於存歿是時天子嚴謁山陵訓人追孝推恩庶辟瀉澤幽泉公長

子少府監紹正次子給事中紹烈並構會堂仰延榮
贈乃贈公工部尚書君子曰孝必錫類忠則不墜臧
孫達其有後乎鄭公業為不亡矣夫人瑯琊鄉君左
相刑公及善之女垂拱二年三十六而天後夫人彭
氏城君鴻臚卿善因之孫景三年五十有五而逝所
謂齊姜昭前邦媛輝後碧樹先落悲同孫楚之妻紅
蘭漸苞貴在馮勤之母以開元十八年十月壬寅葬
我節公於長安縣高陽源夫人王氏劉氏祔焉禮也
長子紹正少府監第四子紹忠未仕第五子紹烈御
史中丞孝乎二連之心思崇三絕之美魏主來顧賞

幼婦之碑秦師不侵尊死士之壠揚名稱代道遠乎
我銘曰

古之志士 忠不為難 悼哉馮公 矯比雲翰

囂囂群小 彼何足算 屢困終直 天下改觀

輕用百年 窮達相半 貽慶二子 雙承天渙

嚴嚴大理 人命是懸 聖朝表贈 王道無偏

六卿冬官 百工悠序 韓裒雖歿 龍泉可許

丘陵鼓舞兮 桑改壑遷 歲月崩波兮

有去不還 唯德音與頌兮 傳不朽於人間

故吏部侍郎元公碑銘 崔湜撰序

良玉吐曜非媚荆人之斲幽蘭懷芳豈珍楚客之奏
若夫克抱厥德不揭其明四海順風以弘道萬葉渴
日而致用見於元公矣公諱字河南洛陽人也蓋額
項之裔十三代祖魏昭成帝勲格皇天惠孚庶物駿
啓靈命大昌于後故我曾大父公隋尚書左丞弘尊
賢愛人開物成務我大父隋南郡司法恭禮樂是蹈
詩書是好我皇考黃州刺史孝節政以仁成名以德
舉並代集禮以洎千公公含真蘊靈幼有成量承顏
善對實譚實訐母代鞠育備于典訓三歲便善草隸
書客有聞而謬之者公援毫立就動有措則故當時

目曰神童焉七歲屬文邈有高致十四通五經大旨
百家之言先儒未諭一覽冰釋四方儒墨之士由是
嚮風矣雅合冲膜脫落人事昂鍾黼黻罔滑其志妙
於鼓琴尤工幽居綠水之操常祇傲縱恣不求聞達
凡通理以其聲華太高論其從仕不得已舉進士授
相州內黃主簿臨以簡人用宜之黃州府君薨浹旬
不怠養而不懈至性之酷異類同傷於是晉命纍棘
玄勉負番荷掙躬自成墳故族稱元氏之孝服闋調
補校書郎轉右金吾兵曹萬年主簿公之始至萬年
也河洛肇基於天邑峻岷分守於懿親卽國公攸望

地在維翰寄深鎮撫以公文守吏之美僉為則官凡
有牋踐皆自公出朝廷嘉焉徵拜司禮博士則天大
聖皇后萬機之餘屬想經籍思欲撮群書之要成一
家之美廣集文儒以筆以削日為三教珠英蓋一千
二百卷公首膺嘉命議者榮之書成克獻帝旨遷太
子文學主客考功二員外賞勤也皇帝續膺大業擢
中書舍人是時天地初復中外多務章奏交馳文誥
疊委公操斧則伐懸衡不欺至於獻納多所施用然
而不樂處煩屢乞外補上優而不許轉太常少卿無
何吏部缺公雖虬蟠不奮欲固其節而鶴鳴有聞終

迫其用乃拜吏部侍郎實能考才地以諗所立振幽
滯以器所用簡而能通清而不介輪捕畢舉衆論休
之天錫不允清羸遘疾春秋四十有六景龍三年某
月歸塋于某禮也懿交暱友平生詞賦之客聚泣而
評曰公事寡嫂撫孤姪以義聞居閨門接昆弟以禮
著黃州之酷昭其行也卽國之徵表其才也奉常之
舉見其高也吏部之僉彰其用也况乎體道之要心
無疵瑕包身之防口絕臧否非夫全德具美自入離
祥曷能臻此君子患道之不立不患壽之不來公道
行矣奚其多傷而已哉有集三十卷行於世嗣寄童

亂之子嬰兒之暴夫人李氏故亳州刺史某之女今
王客卽中顓之後父妹也華首喪天惟堂哭書藐視
呱疚哀感草木記詞於我故人庶以紀百代之盛衰
與公一遇相得二紀同遊聯光粉闌接袂華禁容範
之好宛猶存日宴譔之言未忘於耳追慨疇曩援毫
涕集公執交兵部侍郎南陽張說吏部侍郎范陽盧
藏用當代英秀文華冠時而盧兼有臨池之妙故張
述銘廬篆石天下稱是碑有二美焉詞曰

英英白雲

瑞彼君輅

佻佻公子

嘉我王度

魏后遺德

作華天朝

雲氣應變

直心遙遙

麟閣書仙

鳳池墨妙

入常國禮

少宰邦教

公之慶之

有倫有要

玉折其貞

金斷其清

歿而不朽

仁乎令名

張說之文集卷第二十五

張說之文集卷第二十五
此
開

唐燕國公集二十五卷

蓋吳元年手自抄錄以備一覽者也初以勝國兵燹之變遺書散逸僅存其集於敝麓中猶多魚魯復輟耕力以正之遂爲完物亟欲刊之而力不果吾後世子孫有能新之以續有唐之文獻者乎唐去今千餘年其相業隨世消長而文獨存然則世之所恃以爲不朽計者文焉爾雖與天壤俱敝可也燕公之文豈曰雕龍如劉勰者爲哉曲江公志文畫之矣更書一篇以冠其首時永樂九年秋九月

貞隱老人濠上德記

開化圖書館
Kaihua Library

張說之集補

燕公集依明伍氏龍池州堂刊本景印既又從江
安傅氏雙鑑樓藏汪小米校本補闕拾遺是正良
多按汪氏跋稱從士禮居黃氏景宋鈔本校抄手
極精洵稱善本云云惜止存卷一至十非全帙也

庚申三月無錫孫毓修識

戊辰再版
覆校重錄

吳縣姜殿揚

城南亭作詩見卷五原有闕字

珂馬朝歸連萬石稍門洞啟親迎客北堂珍重琥珀
酒庭前列肆茱萸席長袖遲迴意緒多清商緩展目
騰波舊傳比翼侯家舞新出將雛主第歌漢家絳灌

談之集補
餘兵氣晉代浮虛安足貴正逢天下金鏡清偏加日
飲醇醪意誰復遨遊不復歸閒庭莫畏不芳菲會待
城南春色至競將花柳拂羅衣

行從方秀川劉評事文同宿詩見卷五錯脫一行
方秀美盤遊頻年降天罕水共伊川接山將闕門斷
捧日照恩華攀雲引疲散野宿曉霜入孤衾寒不暖
靜聞宮漏疏卧視庭月滿開鑪命溫酎中夜發清管
風送關山長氣適星歲短寓言情義愜率性意真坦
環中病羈掛方外嫌縱誕願君樂盛時無嗟帶纒緩
醉中作題見卷五詩原闕

醉後方知樂彌勝未醉時動容皆是舞出語總成詩

岳州別姚司馬紹之制許歸侍卷六廣州蕭都督入朝過岳州

餞宴一首後原闕七首又闕
幽州送尹悉成婦題一行

和玉悲無已長沙宦不成天從扇枕願人遂倚門情

方外懷司馬江東憶步兵向君棲泊處空嶺夜猿鳴

岳州送李十從軍歸桂州

送客江之上其人美且佻風波萬里濶歡舊十年來

劍拔蛟知斷弓鳴虎自開楊橋書未落駟馬定先回

岳州別均

離筵非讌喜別酒正銷魂念爾猶童孺嗟余隔遠藩

津亭拔心草江路斷腸猿他日將何見愁來獨倚門

送敬丞

嘉會良難永芳樽此夜閑別離三春暮親愛兩鄉間
落花已覆水巖雲欲起山庭蘭行可佩采采贈河關

見諸人送杜承詩因以成作荊州作

吳楚分江鎮華容改舊城訝君來遠謁知有去思情
風度沅湘險煙還雲夢平寄言洞庭郡何德子為名
幽州別陰長河

惠好交情重辛勤世事多荆南久為別薊北遠來過
寄目雲中鳥留歡酒上歌影移聲復聞遲暮雨如何

幽州送隨軍入秦

楊子來戎幕老夫欣主諾歸路有光華邊庭少咨度
鴈知窮朔苦人羨長安樂獨將馬革心同聲謝臺閣

幽州送尹恣成婦詩見卷六誤接廣州蕭都督一首後題原闕

酬崔光祿冬日述懷贈答并序後題見卷七原本題後誤接韋嗣立

詩燕公原序並詩又韋作題目一行並闕

太極殿眾君子分司洛城自春涉秋日有游討既
而韋公中守茲樂便廢頃因公讌方接詠言崔光
祿述志論文首貽雅唱諸公嘉德敘事成有報章
若夫盛時榮位華景勝會此四者古難一遇而我

言之集補
三
輩比實兼之至於精言探道妙識發義戲謔而逢
規誠指諷而見師表益過三友豈易得乎謂膏澤
倚潤芝蘭久襲韋公近之矣以文會友以友輔仁
崔公近之矣其餘尋聲響答望形影赴故亦峻碧
池之連漪增瑤林之沃若是用綴集勒成一卷永
存几閣之翫無忘歡好之時焉

徐陳嘗並作枚馬亦同時各負當朝譽俱承明主私
夫君邁前侶觀國騁竒姿山似鳴威鳳泉如出寶龜
才雄子雲筆學廣仲舒帷紫綬拂三寺朱門臨九達
昔我含香日連爾縉雲司朝携蘭省步夕退竹林期

中路一分手數載來何遲求友還相得羣英復在茲
留臺少人務方駕遞尋追涉翫懷同賞霑芳憶共持
迎賓南澗飲載妓東郊嬉春郊綠畝秀秋澗白雲滋
名畫披人物良書討滯疑興來光不惜歡往迹如遺
歲宴罷行樂層城間所思夜魂燈處厭朝髮鏡前衰
忽枉崔駟什兼流韋孟詞曲高彌寡和主善代為師
齋戒觀華玉留連歎色絲終慙起余者何足與言詩
酌崔光祿冬日述懷并序
韋嗣立

同趙侍御乾湖作詩見卷七原有闕文

江南湖水咽山川春江溢入共湖連氣色紛淪橫罩

海波濤鼓怒上漫天鱗宗殼族嬉為府弋叟眾師利
聚馬歌帆側柁弄風口赴險凌深繞灣浦一灣一浦
悵遭回千曲千澁恍迷哉乍見靈妃含笑往復聞游
女怨歌來暑往寒來運迴泐潭生秋水移陵谷雲間
墜翮散泥沙波上浮查棲樹木昨暮飛霜下北津今
朝行鴈度南濱處處溝港清源竭年年舊葦白頭新
天地盈虛尚難保人間倚伏何須道秋月晶晶沉澄
瀾冬景青青步纖草念君夙昔觀物變安得踟躕不
衰老

張說之文集校記

志一葉後一行杜壯 二葉前十行篁簧

卷一二葉前三行情清

卷二三葉後七行王玉 十行違達 四葉前四行

籽杼 四葉後一行邊鞭漠漠 二行蛇拖

卷三十葉前四行星皇

卷五一葉前八行鴈酒

卷六一葉前七行郎御 三葉前七行絲絃

卷八七葉後五行洞湘湖湘 六行矯嶠 八行班

篠斑篠

談之集卷
卷九 一葉前十行幽州新作幽州新歲作

卷十二 五葉後九行成武

卷二十二 一葉後六行復復

卷二十三 八葉前三行當當

原本舊有無名氏硃筆校改二十字未著所據而其誤皆灼然可見初板間有逕依校筆修正上板者今悉復原刊之舊仍全錄校文於卷末庶源流可見於古書真面校筆是非釐然不紊云姜殿揚再識

開化圖書館

Kaishua library

開化圖書館

Kaichua library

開化圖書館

Kaichua Library

開化圖書館

Waltham Library

Blue Cyan Green Yellow Red Magenta White 3/Color

TIFFEN Color Control Patches
Centimetres
Inches

張說之文集

四

開元圖書館
Kaohsiung library

開化圖書

Kaichua Library

